



Doñonan di centronan di cuida di mucha ta anuncia aumento di prijs



• **Situacion di
coriente no ta
mehora** Pagina 2

• **Medio ambiente
di Aruba
desprotegi y
sobre-explota
pa mas cu 100
año** Pagina 4

• **Investigacion na
SABA den fase
final** Pagina 6

Fundacion Savaneta ta sigui verf cas cu proyecto Cuashi di Curason



Prestamonan Hulandes ta enfatisa e importancia di Reino



Orden di detencion pa lidernan di Israel y Hamas ta causa debate tocante rol di ICC



LUXURY
WAGON
Giveaway

APRIL 12 - NOVEMBER 22, 2024

THE CASINO AT
THE RITZ-CARLTON
ARUBA

THE CASINO AT
ST REGIS
ARUBA

Fundacion Savaneta ta sigui verf cas cu proyecto Cuashi di Curason

E proyecto di Kwashi di Curason ta un iniciativa di Fundacion Savaneta Prome Capital cu a cuminsa na luna di september di aña pasa, ya caba nan tin algun cas cu nan a verf y cu a bira un atraccion pa turismo, awor nan a anuncia cu nan ta bay sigui cu e proyectonan den otro casnan di e distrito.

Asina presidente di e fundacion Norman Thijsen a anuncia recientemente den un conferencia di prensa, na unda ademas a bisa cu Savaneta 64 ta un di e prome cuatro cas cu nan a cuminsa verf. “Y si nos ta asina orguyoso cu pa hopi biaha nos ta pasa akinan back cu actividad cu nos ta organisa aki banda,” el a bisa.

Esaki ta di dos aña di e proyecto y ta algo cu ta cuadra cu e meta di e fundacion cu ta pa preserva e balornan cultural y historico, nan ta enfoca riba casnan cu tin entre 80 y 100



aña cu ta den e forma tradicional y nan kier rebiba e casnan aki back, pa esaki, Thijsen a sigura cu nan ta verf so, nan no ta restaura pa motibo cu esey ta un trabou di Stichting Monumentenfonds Aruba cu

ta restaura autenticamente y a nan ta pinta e casnan cu colornan bibo pa embeyece e cas, e caya y e distrito, nan ta kere cu asina nan ta traha riba e identidad cultural di Savaneta.

Nan a gradici nan sponsornan, un di nan ta SETAR e cual ta bay yuda nan pinta cuatro cas mas: Savaneta 181, Savaneta 65, Savaneta 16 y Savaneta 123-A cu colaboracion di nan boluntarionan,

entre otro, Marinierskazerne ken tambe a yuda nan cu un beach cleaning y Club di Futbol La Fama.

Nan ta enfoca cu Savaneta tambe tin turismo pa ofrece fuera di lama, si den tempo nan lo logra verf 20 cas, segun Thijsen a sigura, esey por bira un tour y pa nan e colornan di cas ta importante pa keda yamativo, manera esun prome cu ya caba turistanan ta para y saca potret den e cas Savaneta 64 ubica band'i caminda.

Fundacion Savaneta Prome Capital a lanta pa e meta aki di preserva e balornan cultural historico y contribui na e desaroyo socio economico di Savaneta. Al final Savaneta tambe ta un atraccion turistico na Aruba unda su boutique hotelnan, restaurantnan, su lama y paisahe di seronan ta pone Savaneta ariba mapa mundial como un destinacion turistico.

Situacion di coriente no ta mehora

Desde algun siman caba diferente bario rond di Aruba a bin ta experiencia interrupcionnan di coriente frecuentemente. Ayera marduga tabata e caso atrobe na unda tres biaha den e mesun anochi coriente a bay na diferente distrito di e isla.

E prome interrupcion di coriente a sucede na Jan Fleming ora cu un palo di luz a pega candela. Segun informacion brinda pa motibo di e saltpeter y stof cu ta para riba e kabelnan di coriente y teniendo na cuenta e condicionnan di clima na Aruba, por sucede cu e palonan di luz por pega candela.

E siguiente interrupcion a afecta diferente bario y esaki a sucede pa motibo cu tabatin interrupcion den produccion di coriente cu a afecta dos onderstation di ELMAR N.V. na e planta di WEB N.V.

E ultimo interrupcion a afecta barionan di Seroe Pita, Tamarijn y otro barionan den bisindario. E causa di e interrupcion aki tabata debi na un kabel cu a cay na Seroe Pita.

E situacion di coriente ta delicado y pueblo ta expresa nan

malcontento pa e situacion ariba rednan social. Hopi ta cuestiona te ki dia nan tin cu soporta e mal servicio di e compania estatal y ta keda puntra cual ta e siguiente distrito cu ta na turno pa keda sin coriente

“Tur dia coriente ta bay mes-ter tin rebaho. Coriente bay kieren coriente no ta na uso mes. Boso ta set di ladron y hambra pa placa manera gobierno”; “Nos ta exige descuento ariba nos recibo di coriente;” y “E cos aki ta increibel. Mi ta spera cu si un di mi cosnan di coriente dañá ELMAR para responsabel tambe,” ta algun di e comentarionan cu ciudadanonan disgusta pa loke ta sucediendo.

Mientras tanto, manera cu minister di Labor, Energia y Integracion Glenbert Croes a indica durante un conferencia di prensa anteriormente, expertonan Mericano a bin Aruba pa haci investigacion, evaluacion y recomendacion pa drecha y mehora e partinan cu ta mas critico pa evita cu coriente ta sigui bay y afecta e comunidad di Aruba.

Preocupacion ta sigui crece y pueblo ta puntra si esey ta bay

ta suficiente pa drecha e sistema deteriora pa por soporta e desaroyo cu tin na Aruba cu e

hotelnan cu ta bay habri, sin conta e cantidad di hendenan cu lo mester yega Aruba pa

por cubri e cuponan di trabao cu no por wordo yena.



Doñonan di centronan di cuido di mucha ta anuncia aumento di prijs for di 1 di augustus



Diaranson ultimo, diferente doño di centronan di cuido di mucha a tene un conferencia di prensa pa anuncia comunidad e aumento di prijsnan di nan servicio debi cu nan mester cumpli cu exigencianan di ley di kinderopvang y cu esey nan ta haya gastonan extra cu mester paga.

Pa esaki, Marelyn Martijn a sigura cu nan ta elogia esnan cu a y ta sigui lucha pa e cuido di e muchanan na Aruba keda uno di calidad, “nos como doñonan di diferente centro di cuido ta di acuerdo cu ley di kinderopvang y tur cambionan necesario cu mester haci pa mehora e cuido di nos muchanan. Nos ta haciendo nos best for di ora cu e ley a drenta den vigor pa cuminsa haci e cambionan necesario cu ley ta exige.”

Pa por cumpli cu e diferente rekisitonan cu ley ta rekeri ta costa cen, entre otro pa infraestructura, inverti den material, paga extra personal y pa e motibo aki nan a tuma e decision cu nan tin cu aumenta e suma nan prijsnan.

E motibo mayor di aumento di prijs ta debi na e ratio cu ta para den ley. Ratio ta un cantidad specifico di mucha segun edad cu por ser cuida door di 1 leidster, e ratio a ser implementa pa por brinda un miho calidad di cuido pa e muchanan den un grupo mas chikito di mucha.

E ratio ta lo siguiente:
0-1año 6 baby pa leidster
1-2año 10 mucha pa leidster
2-3año 12 mucha pa leidster
3-4año 13 mucha pa leidster
4-6año 14 mucha pa leidster
6-12año 16 mucha pa leidster.
Pero nan como centronan di

cuido, nunca a traha cu ratio y cada un centro di cuido tin nan cantidad di mucha cu ta cubri e gastonan di e scol pa e por sigui opera, manera Martijn a señala.

“E cantidad aki no solamente ta pa cubri nos gastonan pero tambe pa cubri tur año na luna di juli ora e muchanan di peuter klas ta bay kleuter y nos ta perde un gran cantidad di mucha, akinan nos entrada ta baha drasticamente y ta tuma algun luna pa haya mucha back. Tambe ta pasa cu mayor ta kita nan yiu for di centro di cuidu sin aviso di un momento pa otro y esakinan ta loke ta afecta nos entrada y pues pa e motibo aki nos no ta traha cu un ratio, nos ta traha cu un cantidad cu por cubri nos gastonan pa e bahada di entrada na luna di juli y ora mayor kita na yiu sin pre aviso, na final di luna nos si mester cumpli cu tur nos gastonan di nos centro, sin importa cu nos tin menos mucha of no.” El a sigura.

Awor, nan ta sigura cu ta exige pa nan traha cu ratio, cu ta un cantidad specifico y nan ta bay tin cu haci algun cambio pa por cumpli esaki, entre otro, busca extra personal pa cubri e extra muchanan cu normalmente nan ta traha cune y manera el a menciona, tur esaki ta costa nan scol hopi placa, por ehemplo, salario pa e leidster, belasting, SVb.

“Centro di cuidu ta un negoshi priva y tin su gastonan cu mester cumpli cune pa por sigui brinda nan servicio, pero si ley ta exige centronan traha cu menos mucha pa cada leidster nos tin tres opcion pa haci esaki posibel,” el a bisa.

Nan a pone como opcion, traha cu e cantidad di mucha

cu ta ser exige den ley cual ta menos mucha y e consecuencia ta cu nan como crechenan no lo por cubri nan gastonan mas mirando cu e entrada lo ta menos y na final mester cera nan creche y no por sigui brinda cuidu pa e muchanan.

Di dos opcion ta pa traha cu e cantidad cu ley ta exige cual ta menos mucha cu consecuencia cu nan entrada lo bira menos y e prijsnan di cuidu mester subi pa nan por cubri nan gastonan mirando cu nan mester manda algun muchacas pa por traha cu e cantidad exige.

Di tres opcion ta cu ta traha cu e cantidad di mucha cu ley ta exige y mester busca extra leidster pa cubri e muchanan cu ta supera e cantidad di exigencia cu consecuencia cu nan mester paga un salario extra, belasting y SVb y e prijsnan di cuidu mester subi pa nan por cubri e gastonan extra.

Nan ta di opinion cu “centro di cuidu di Aruba tin hopi año ta purba mantene nan prijs abou teniendo na consideracion e mayornan. Aworaki pa nos por cumpli cu e exi-

gencianan di ley ta bin varios gasto extra y sin conta cu tambe durante tur e año cu salario a subi, awa y coriente a subi, comestibel, etc. Pa tur e motibonan aki nos centro di cuidu a dicidi cu nos tin subi nos prijs, nos no por cubri tur e gastonan cu ta bin acerca cu e suma mensual cu nos ta cobrando pa cuidu di mucha na e momentonan aki.”

Pa 1 di augustus prijs di centro di cuidu di mucha lo subi

Pa esaki Martijn a splica cu cada centro lo stipula su prijs basa riba su gastonan individual pa mancha su centro, e aumento di prijs lo ser introduci den fase y no completo den un biaha.

Cada centro lo avisa mayornan di adelanta e suma y durante ki lunanan di e año lo subi, algun centro a cuminsa avisa mayornan caba y algun ya a cuminsa haci aumento di prijs, nan a señala cu nan tin un flyer cu nan lo comparti cu mayornan cu informacion di aumento di prijs.

Nan tambe ta avisa cu no tur centro lo haci e cambio aki, algun centro no ta perhudica door di e cambionan aki y pa awor a dicidi no haci cambionan, pero gran mayoria di centro na Aruba si ta perhudica y ta sinti obliga pa haci e aumento di prijs pa por cumpli cu tur exigencianan di e ley.

Esnan cu mas ta perhudica mas ta e centronan cu ta cobra un averahe di 350 pa 500 florin pa luna pa full dia of 200 pa 350 florin pa mita dia/traimerdia.

Nan tin e preocupacion cu na ningun momento nan intencion ta pa aumenta nan prijsnan “pero nos no tin

otro alternativa pero nos tin cu cumpli cu exigencianan di ley, ademas nan sa cu gran parti di mayornan tin un entrada di salario minimo y si tin 2 of 3 yiu ta bira pisa pa nan paga cuidu pa nan yiu, tambe nos ta consciente cu algun mayor no lo afford di paga centro di cuidu mas, nos no kier pa nos muchanan ser perhudica door di e cambionan aki cu mester tuma luga pa por cumpli cu ley.”

Como solucion, nan pensa cu Aruba por implementa subsidio pa mayornan manera ta sucede na Hulanda, unda cu esey ta un ayudo grandi pa mayornan pa por cubri e suma mensual di centro di cuidu pa nan yiu, “di nos banda nos ta spera cu Aruba por yega na un subsidio pa nos mayornan lo mas pronto posibel.” Martijn a finalisa.

Minister di Asuntonan Social, Rocco Tjon su reaccion

Den un declaracion di minister Tjon manda na medionan local, e mandatario a señala cu tur centronan di cuidu mester cumpli cu e ley pero esey ta bay den fase, ademas a sigura cu “Gobierno no ta dicidi e prijs di un speelschool esey ta e doño cu riba su gastonan ta dicidi kico ta e prijs,” el a sigura.

Den pasado casonan lamentabel a tuma luga y nan kier evita pa esey lo sigui sucede, den materia aki ta tene na cuenta cu diferente aspecto unda gobierno ta yuda speelschool pa por cumpli cu e ley den fasenan, pa esnan cu tin mas gasto, no tin manera di haci inversion di inmediato pa motibo cu seguridad di e muchanan ta keda un punto importante y tin diferente tipo di infraccion pa esey.



Segun rapport internacional di Estado di Adaptacion Climatico:

Habitat natural y medio ambiente marino di Aruba a keda mayormente desprotegi y sobre explota pa mas cu 100 aña

Recientemente e International Panel on Deltas, Coasts and Islands (IPDC) a lansa e rapport internacional ariba Estado di Adaptacion Climatico. E rapport aki a conta cu contribucion di islanan di Caribe Hulandes y otro paisnan grandi rond mundo. Den e rapport aki ta brinda un analisis y ta elabora ariba e resiliencia climatico di Aruba.

E rapport ta indica cu e nacemento di e industria di turismo di Aruba ta data di 1934 ora cu e prome cas di huesped a habri na Oranjestad. For di añanan 1960, e politica di turismo di e isla a wordo dirigi pa atrae hotelnan grandi y solicita inversionnan internacional pa construccion di resortnan di turismo y expansion di infraestructura; un politica di turismo cu e isla ta mantene te dia di awe.

E documento ta resalta cu como un isla chikito cu un economia habri, Aruba ta altamente expuesto y vulnerabel pa diferente shocknan externo, incluyendo, pero no limita na, shocknan financiero-economico y geopolitico, como tambe shocknan ambiental y climatico. Den tema di e exposicion y vulnerabilidad pa cambio climatico, Aruba ta expuesto na ambos shocknan climatico, como tambe campeonnan climatico lento.

Segun e rapport ta remarca, volatilidad climatico y patonchinan di tempo extremo a aumenta durante e ultimo siglo pasa. Durante e ultimo cinco decada, e intervalo di tempo entre horcanan grandi a bira menos, di 80 pa un estimado di 6 pa 8 aña. Eventonan di clima extremo durante e ultimo 20 aña ta coincide cu horcan y tormentanan tropical mayor den Caribe, incluyendo por ehemplo, Joan (1988), Bret (1993), Lenny (1999), Ivan

(2004), Felix (2007), Omar (2008), y Matthew (2016).

Aunke Aruba no tabata den e caminda directo di e horcannan aki, e efectonan di tormenta consecutivo a causa inundacion significante cu promedio di awasero di 795 mm; casi tres biaha mas cu e promedio anual di 274 mm na Aruba. Di otro banda, e estudio tambe ta indica algun periodo di sekia despues di e cambio di siglo.

Ademas, e rapport ta agrega, e registro di censo nacional di CBS na 2016 ta indica cu durante e ultimo dos decada, incidentenan di inundacion residencial y comercial a aumenta substancialmente cu 82%. Analisis di data espacial ta muestra cu un calculacion di 46% di tur hogar ta localisa den un area residencial costero cu nivel di densidad cu ta supera 1.000 residente pa km², como tambe no menos cu 10.000 turista pa km². E zonanan costero densamente habita ta propenso pa merecunan di tormenta y inundacion.

E documento ta señala cu e combinacion di presion climatico ta varia di aumento di temperatura, tanto riba tera como superficie di lama, pa eventonan di clima extremo, marea di tormenta, inundacion di tera debi na aumento di yobida y nivel di lama, su impacto ta wordo complica pa factor nan no-climatico manera perdida di biodiversidad, degradacion ambiental, acides di ocean, blankiamiento y descomposicion di coral, polucion di desecho, y contaminacion di awa.

E ta enfatisa cu aunke zonificacion regional y costero inicial y area marino proteha a wordo adopta den 2019, e habitat natural y medio ambiente marino di Aruba a keda mayormente no proteha y sobre-explota pa mas cu 100

aña despues di e explotacion di e industria di fosfaat, oro, y refinamento di azeta durante añanan 1920.

E rapport ta subraya tambe cu hopi di e flora y fauna endemico di Aruba, incluyendo bestia salvahe, a bay extinto of ta na peliger inminente di extincion. Den combinacion cu e deforestacion structural y dragamento di e ecosistema marino y costero for di e añanan 1940, e aumento lento y consistente den temperatura di awa di lama ta parcialmente responsable pa e perdida di bida marino y biodiversidad marino.

Ademas, aunke no tin dato historico significativo disponibel, e stress creciente ariba e ecosistema marino local tambe ta debi probablemente na e acides constante di e awa marino—resultado di e derrame y goteamento di azetaden pasado, filtracion di awa contamina, y e desecho costero no trata—como tambe e densidad di poblacion creciente y aumento di urbanisacion costero.

E documento ta indica cu den pasado varios plan sectorial a wordo desaroya riba aspectonan specifico di cambio climatico, incluyendo produccion di energia renovable, pero no tin un plan nacional integra pa adaptacion climatico y resiliencia climatico. E Consejo Nacional di Resiliencia Climatico di Aruba (NCRC), cu a wordo lansa formalmente riba 22 di April 2024 (Dia di Tera), ta encarga cu desaroya e Plan Nacional di Adaptacion pa Aruba.

Dos otro iniciativa importante tambe a wordo anuncia mesun dia cu mester ser coordina pa e NCRC: un Evaluacion di Indice di Riesgo y Vulnerabilidad di Clima y Ocean pa e Stimson Institute, como tambe e Atlas di Impacto Climatico pa Aruba, conduci pa Climate Adaptation Services.

Segun e rapport ta sigui spli-ca, tin varios enlace entre awa, adaptacion climatico y otro plannan. Por ehempel, “Build with Nature Policy” por wordo revisa y fortalece cu strategia di adaptacion climatico relaciona cu awa pa



zonificacion, urbanisacion y conservacion di naturalesa. Ademas, Aruba a cuminsa cu formulacion di un Strategia Nacional di Seguridad unda intensificacion di mitigacion y adaptacion climatico bao di e Crisis Management Office ta wordo atendi.

E Plan Strategico Nacional (NSP; Nos Plan, Nos Futuro, 2020) ta un plan nacional coordina pa e Departamento di Asuntonan Economico, Comercio y Industria. E rapport ta señala cu den e NSP, e capitulo riba Maneho di Recurso Natural ta trata, entre otro topiconan, accionnan di adaptacion climatico y e capitulo di Energia Sostenibel ta trata, entre otro topiconan, accionnan di mitigacion climatico.

Asina mes, e documento ta agrega, e master plan di Aruba “Repositioning Our Sails” ta presenta e modelo y roadmap di Aruba pa resiliencia economico, incluyendo e transicion pa un economia resistente na clima, delineando e accionnan necesario pa, por ehempel, establece un agenda nacional pa accion y resiliencia climatico, incluyendo un politica nacional y midimento di riesgo, conserva y restaura recurso ambiental y ekologianan marino, como tambe, pa establece y impone codigonan di construccion resistente na clima y directivanan pa infraestructura. E

establecimiento di e NCRC ta un resultado directo di e master plan “Repositioning Our Sails”.

Sinembargo, e ta subraya, for di un perspectiva di financiamiento y inversion climatico, tanto NSP como e master plan falta un inclusion cla y explicito, definicion y midimento di criterio y indicador di “Environment-Social-Governance” (ESG) y “Principles of Responsible Investment” (PRI).

Consecuentemente, e rapport ta enfatisa, programa- y proyectonan no ta wordo evalua y clasifica den terminonan di nan riesgo y impacto climatico, ni den terminonan di nan contribucion pa resiliencia y adaptacion climatico, manera cu Banco Mundial ta recomenda.

Asina mes, contrario na por ehempel e Declaracion di Impacto Adverso Principal (PAI) cu ta wordo rekeri den e Union Europeo, of e divulgacion climatico pa e Banco Central Europeo (ECB) y e Task Force riba riesgo y impacto relaciona cu clima (TCDF), actualmente na Aruba, no tin un marco legal ni rekisitonan pa explicitamente inclui, presenta y divulga impacto y riesgo relaciona cu clima, ademas di e divulgacion financiero relaciona cu clima.



Climate Adaptation in Deltas, Coasts and Islands

BONDIA
ARUBA

Editor
Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager
Mariette Engelhart

Redaccion
noticia@bondia.com

Pilar Flores (hefe di redaccion)
Angenette Figueroa (closer editor)
Leo Maduro
Andreina Morillo
Raisa Montilla
Oriana Geerman

Ehecutivo di Benta
sulaika.croes@cspnv.com

Sulaika Croes

Aviso y Arte
Sandra Loefstop
Lisa Tromp

Departamento Digital
Juan Luis Pinto

Administracion
accounting@bondia.com

Martha Arteta de Ariza

Distribucion
Jenny Kelly

Coleccion
Evelinda de Cuba - Tromp

Pre Press
Luis Fernando Arenas (Hefe)
Pablo Libre

Press
Roland Schenker (Hefe)
Omar Ramirez
Martin Boekhoudt
Francis Dirks

Colaboracion
Associated Press
Ret Karibense
Data Key

Afiliacion
Sociedad Interamerica
di Prensa (SIP)

DIRECCION
Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.



Stapnan den Bon Direccion: OStad Incubator & ELMAR Financiando Energia Solar

Den hopi articulo mi a expresa mi mes sumamente critico over nos gobernantenan, pero na mesun momento ora cosnan bon tuma lugar tambe mester pone un spotlight positivo riba esaki.

E siman cu a pasa nos a wak den dos conferencia di prensa, esta di Minister Glenbert Croes y di Minister Geoffrey Wever e minister concerni a anuncia lo siguiente. Tocante politica di energia, lo kier bin cu un posible financiamiento di panelnan solar via ELMAR. E otro anuncio tabata cu Oranjestad lo tin su mesun Incubator yama "OStad Incubator", cu aporte di universidad di Aruba y un red di partners incluso Vertegenwoordiging van Nederland op Aruba. Tur dos iniciativanan ta di tremendo balar pa Aruba si enberdad bin cu e follow-through priminti.

OStad Incubator:

Den e iniciativa aki, entrepreneurs lo haya aporte na mentorship, luga pa traha na Impact Hub, network, validation di nan modelo di negocia, y te hasta posibilidad pa financiamiento. E concepto aki ta algo pa elogia y mi ta contento di wak MinEZ finalmente a tuma mi ideanan na serio pa lansa un concepto asina na Aruba.

E unico tips cu mi lo kier duna ta pa enfoca riba entrepreneurship di Inteligencia Artificial (AI), Energia Solar y Agricultura. Locual ta AI, e unico cu Aruba mester ta un bon sistema di traduccion

Papiamento pa Ingles. Si nos lo por tin e herment aki na nos disponibilidad nos por habri e porta pa usa tur e hermentnan masivo di Open-Source AI LLMs tocante cual mi a skirbi varios bes. Esaki lo por revolucionar practica di ley, medicina, consulting y mas na nos isla. Dus esaki sigur mester ta un punto di enfoca.

Na di dos lugar stimula entrepreneurship den agricultura y energia solar sofisticada cu posibilidad di modelonan di negoshi innovativo, uso di tecnologianan nobo manera AI, smart materials, glass special, hydroponics avansa y hopi mas.

Tur e innovacionnan aki por yuda baha costo di bida na Aruba y na mesun tempo crea entrada y trabou pa ambos individual y gobierno. Pues si OStad Incubator, ser bon mancha, e por nifica algo sumamente bunita pa Aruba.

Financiamiento pa Energia Solar:

Den e conferencia di Prensa over e reciente black-outs, Minister di Energia, Croes a expresa cu el a puntra ELMAR N.V. tocante e posibilidad pa bira e "E Banco pa Aruba su Pueblo cu kier instala Solar Panels". Manera mi a skirbi tanto bes, mi ta hopi contento cu finalmente ta wak movecion den rumbo positivo.

Usando e data mas recien, instala solar panels na un cas residencial tin un Yearly Return-on-Investment di 35% caba, pues den menos cu 3 aña e inversion lo paga su mes back. E lo yuda haci Aruba mas independiente di importacion di

fuel oil y yuda cu Aruba su balansnan monetario/reserva.

E unico cu ami lo kier contribui na e concepto aki si en berdad e haya follow-through manera debe ser ta pa usa e sistema di financiamiento di "DUO/IBG" di Hulanda con educacion ta ser financia.

Un lening cu interes di 0% of hopi abou, y cu por ser paga back den 35 aña. Mas importante si ta cu si un ex-estudiante bin den problema financiero e no tin cu haci pago na DUO pa e aña ey. Pues e no ta un prestamo cu condicionnan masha halto cu por caba malo pa den e caso aki e doño di cas. Den caso di energia solar por haci un prestamo cu interes di 0% y cu por ser paga back den 20 aña por ehempel. ELMAR N.V. por haya ganashi dor di cumpra e energia excesivo produci na un tarifa atractivo pa e compania di electricidad den cuestion.

Asina empodera full pueblo di Aruba pa bira mini "generators" di electricidad. Tambe como delaster punto tambe bin cu subsidio pa pueblo instala airconan zuinig y bin cu conceptonan cu lo spaar energia.

En fin nos ta wak movecion cu por resulta hopi bunita y positivo pa Aruba. Pero den esaki nos mester wak si e maneho di e conceptonan ehemplar aki ta bon y cu no ta solamente promesa y press conferences, pero tambe follow-throughs y accion berdadero.



ELMAR ta duna update di storing: 23 di mei 2024

ELMAR ta informa comunidad di 3 incidente di storing cu a sosode durante di e ultimo 24 ora. E promer incidente a sosode pa 12:12 AM di marduga den e bario di Jan Fleming y vecindario, ora un poste di luz a pega candela.

Mester remarca cu e condicionnan ambiental ta hunga un rol cu e tipo di incidentenan aki yama "Paalbrand" por sosode. E saltpeter riba e liña di distribucion y e awacero cu a fingi riba e liña y saltpeter ta causa e "Paalbrand".



ELMAR su techniconan a actua rapido y pa 12:54 AM a resolve e problema y a reestablece e servicio di coriente pa e barionan concerni, ELMAR

a bisa den un comunicado di prensa.

E di dos incidente di storing di coriente a sosode pa 4:09

AM di marduga y a afecta e barionan di Savaneta te cu Noord. Dos onderstation di ELMAR a keda afecta pa e storing aki. WEB a informa cu e storing aki a origina cerca di nan mes, y despues di alrededor di 45 minuut WEB a resolve e problema cu a surgi y por a bolbe suministra coriente na ELMAR y reestablece coriente pa tur e barionan afecta.

E di tres incidente a sosode pa 5:05 AM di mainta y a afecta e barionan di Seroe Pita te cu Tamarijn, y otro barionan den cercania. Techniconan di

ELMAR tambe a yega rapido pa cuminsa haci e investigacion necesario di kico por ta e causa. Pa 5:30 AM techniconan di ELMAR a identifica e problema y a logra resolv'e. Pa 5:30 di mainta a logra reestablece coriente pa e barionan afecta. Mientrastanto a bay over na haci trabounan di reparacion den e area directamente afecta.

ELMAR ta pidi disculpa pa e inconveniencia cu a surgi y ta sigui traha pa mantene e grid di Aruba den bon condicion y stabil.

Minister Ursell Arends:

Investigacion na SABA den fase final

Investigacion di e situacion financiero na SABA a drenta su fase final. Asina Minister Arends di Asuntonan di Adulto Mayor a duna di conoce den un comunicado di prensa.

Pa hopi aña a existi un diferencia di opinion entre Gobierno di Aruba y directiva di SABA cu ta un fundacion cu ta atende cu cuido di nos adultonan mayor. Gobierno di su banda no tawata tin un bista cla riba e situacion financiero di e fundacion y con e fondonan publico ta wordo mancha. Tambe tawata tin diferencia di opinion pa loke ta e tareanan di e fundacion.

E discusion aki a pasa den diferente gabinete sin cu por a yega na un solucion. Esaki a causa hopi incertidumbre tanto pa e trahadonan como e clientenan di SABA. E situacion aki no por a sigui asina y di banda di Gobierno Minister Arends a dicidi encarga partidonan externo pa haci un investigacion intensivo y amplio, pa asina yega na resolve e diferencia cu tin entre e partidonan.

Di nan banda SABA a reforsanan Raad van Toezicht pa asina yuda resolve e situacion. Trahandu hunto Gobierno, Raad y sindicato SEPPA a yega na un areglo cu a haci posibel cu prome cu fin di

2023 Gobierno a pone fondo disponibel pa asina SABA por cumpli cu pagonan atrasa na e trahadonan.

Trahandu hunto tambe a logra alinea pa prome biaha den mas di un decada e vision di Gobierno y esun di SABA, pa loke ta e tareanan di SABA den e sector di cuido di adultonan mayor. SABA di su banda a apunta un director nobo cu ta comprende e vision pa loke ta tareanan di e fundacion y e tin como tarea pa duna forma y ehecuta esaki.

"Awo nos tin un fundeshi pa hunto cu SABA nos por sigui desaroya e servicionan pa nos



grandinan," segun Minister Arends a indica. Minister a splica cu e partidonan a yega na otro, pero ainda falta e rapport independiente di PKF, pasobra esaki lo yuda Gobierno y SABA comprende unda e situacion a bay robes den pasado.

"E rapport aki lo sirbi tambe como un guia pa nos tur, pa asina nos por sigui traha cu otro den harmonia den fu-

turo y evita cu locual a sosode den pasado lo por bolbe ripiti," segun Minister Arends. Minister Arends a informa cu e rapport ta den un fase avansa y cu tur partido ta cooperando debidamente. "Mi ta spera cu e rapport lo por ta cla entre augustus of september. Mi kier ta sigur cu e ta un rapport solido, pasobra nos mester pone un fin na discusion y sigura cu situacion di pasado keda den pasado".

Wind Creek Aruba ta invita pueblo di Aruba pa vota pa nan organisacion local preferi

Un Anochi, Un Mesa, Bo voto ta conta pa yuda organisacionnan local gana.



Wind Creek Aruba ta invita pueblo di Aruba pa vota pa e organisacion local cu a wordo selecciona e aña aki pa participa den e di 6 edicion di Long Table Aruba. "Nos ta compronde e importancia di conecta cu e comunidad y nos ta desea di sostene organisacionnan local na e manera cu lo realmente ta beneficia e comuni-

dadnan di Aruba," asina Sr. Paul Gielen, Gerente General di Wind Creek Aruba a declara.

E proceso di votacion aki ta un parti crucial di e mision di Long Table Aruba y nos ta conta cu Aruba su sosten y apoyo pa nos organisacionnan local.

E aña aki Wind Creek Aruba a cambia e proceso y a selecta 10 organisacion activo den comunidad y a invita esaki nan pa participa. Cada un di e organisacion aki tabatin e tarea di crea un video impresionante, cu e oportunidad pa gana un sosten financiero. E seleccion di e aña aki ta enfatisa riba e yudansa na nos grandinan y sosten pa nos hobennan cu ta enfrenta circunstancianan desafiante. Cu e enfoko pa renoba e bienestar den nos comunidad, Wind Creek Aruba ta compromete su mes pa haci un cambio y

impacto den bida di esnan cu ta den necesidad.

Cera conoci cu nan meta y mision di cada un di e participantenan aki y vota pa bo organisacion preferi prome di 31 di Mei. Esaki ta bo chens pa haci un impacto significante y sostene e organisacion local preferi.

Con pa vota:

Bishita nos page <https://windcreek.com/aruba/community-support/long-table/video-contest>. Disfruta di e 10 videonan di e organisacion nan cu a wordo selecciona e aña aki.

Vota pa bo organisacion preferi prome cu dia 31 di Mei, 2024.

E evento di e aña aki, lo tuma lugar diadomingo 9 di Juni, cu un mesa largo di 1,000 pia cu lo wordo prepara pa 1,000 invitado, dilanti di Re-

naissance Wind Creek Aruba Resort. Desde anja 2017, Long Table Aruba a recauda mas cu \$285,000 pa organisacionnan local y ta un evento sumamente importante pa Wind Creek na Aruba.

Haci un impacto den comunidad ta un principio di operacion di Wind Creek Aruba. Sr. Gielen ta continua "Nos ta sumamente orguyoso pa no solamente ofrece un experiencia excepcional pero alabes por conecta cu e pioneronan pa por mira con y kico mas lo por haci pa por sostene nan metanan. Nos ta sinti nos mes honra pa por ofrece e pueblo di Aruba un anochi inolvidabel unda nos ta duna bek, y celebra hunto cu nos comunidad di Aruba.

AWA

MINI MEGA

MEGA PLUS

Awo cu 2 florin mas, bo por gana e

*** Afl. 775.000,-**

*** Afl. 550.000,- + Afl. 225.000,- extra**

Benta ta sera 7:30 pm y sorteo ta hunga 7:45 pm

MEGA PLUS



HUNGA AWO

LOTO

DVG ta recorda sector di horeca:

Controlnan riba aspecto di higiena na ta continua

Cu regularidad seccion Warenkeuring en Hygiëne (DWH) di Departamento di Salud Publico ta haci su controlnan di higiena y certificado di salud riba supermarket y den sector di “food and beverage”. Esaki pa garantisar alimento di calidad y tambe proteha comunidad di malesanan transmiti di hende pa hende pa medio di alimento. Esaki ta e motibo pakico tur persona cu ta traha cu alimento y bebida mester tin un certificado di salud valido na momento di DWH su personal pasa pa controla.

Pa sector di “food and bev-



erage” e exigencia aki no ta nada nobo. DVG ta informa cu esnan cu no cumpli cu ley y permiti empleado maniobra

cu alimento pa consumidor sin un certificado di salud valido lo por confronta un situacion hopi fastioso ora DWH

pasa haci control. E chens ta grandi cu e establecimiento por wordo cera y no por habri bek tanten cu no tin empleado cu certificado di salud valido pa haci e trabou. Si e control di DWH tuma lugar ariba un diabierna y encontra cu e trahadornan no tin nan certificado di salud na ordo, e establecimiento por pasa henter weekend cera.

Pa evita cu DWH mester cera negoshinan, DVG ta recorda tur supermarket y sector di “food and beverage” pa cumpli cu tur regla di higiena y e leynan manera e.o. esun cu ta prescribi cu tur persona cu ta bende cuminda y/of bebida mester tin nan certificado di salud na ordo. No

warda te ora DWH yega den bo establecimiento pa controla pa core manda empleadonan bay saca nan certificado di salud. Pa aplica of renoba un certificado di salud tin un proceso pa encamina di cual tin aproximadamente 10 dia di trabou prome cu e keda cla. Pa evita un situacion no desea ora personal di DWH presenta pa haci nan inspeccion, ban cumpli cu ley.

Pa mas informacion like nos Facebook page Directie Volksgezondheid DVG Aruba, Follow nos riba Instagram [directie_volksgezondheid_aruba](#), subi nos website [www.dvg.aw](#), yama nos na 5224200 of mail nos na [servicio@dvg.aw](#)

Uso diario di Marihuana ta superando bebemento di alcohol diario na Merca, segun estudio nobo

(AP)—Pa prome biaha, e cantidad di Mericanonan cu ta usa marihuana casi tur dia a surpasa e cantidad cu ta bebe alcohol asina frecuente, cual ta un cambio cu a dura 40 aña mientras uso recreacional di marihuana a bira mas popular y mas legal den casi tur estado Mericano.

Na 2022, aproximadamente 17.7 miyon hende a reporta nan uso di marihuana diariamente of casi diariamente compara cu e 14.7 miyon hende cu ta bebe alcohol diariamente of casi diariamente, segun un analisis di e data tuma for di un encuesta nacional. Na 1992, ora uso diario di marihuana a yega na un punto abao, menos cu 1 miyon hende a bisa cu nan a usa marihuana casi tur dia.

Alcohol ainda ta usa ampliamente, pero 2022 tabata e prome biaha cu e nivel intensivo aki di uso di marihuana a surpasa bebemento diario, segun e autor di e estudio, Jonathan Caulkins, un investigador di politica di cannabis na Carnegie Mellon Univer-



sity. “Un bon 40 porciento di usarionan di marihuana ta usa esaki diariamente of casi diariamente, cual ta un patronchi cu ta asocia mas cu uso di tabaco compara cu uso tipico di alcohol,” Caulkins a bisa. E investigacion, basa riba data

for di e National Survey on Drug Use and Health, a ser publica diaranson den e revista Addiction. E encuesta aki ta un fuente confiable di e calculacionnan di uso di tabaco, alcohol y droga na Merca den cual usarionan mes ta reporta nan uso.

Entre 1992 y 2022, e grado per capita di uso di marihuana diario of casi diario a aumenta 15 biaha. Caulkins a reconoce den e estudio cu hende por ta mas dispuesto di reporta uso di marihuana como cu aceptacion publico ta crece, cual por stimula e

aumento.

Awo mayoria estado ta permiti marihuana medico y recreacional, aunke e ta keda ilegal riba nivel federal. Na november, votadonan di Florida lo dicidi riba un amienda constitucional permitiendone canabis recreacional, y e gobierno federal ta moviendo pa reclasifica marihuana como un droga menos peligroso.

Investigacion ta muestra cu usarionan di frecuencia halto tin mas chens di bira adicto na marihuana, segun dr. David A. Gorelick, un profesor psiquiatria na e University of Maryland School of Medicine, ken no tabata envolvi den e estudio.

E cantidad di usarionan diario ta sugeri cu mayoria hende tin riesgo di desaroya adiccion na cannabis, Gorelick a bisa. “Uso di frecuencia halto ta aumentando e riesgo di desaroyando psicosis relaciona cu cannabis,” cual ta un condicion severo unda un persona ta perde sentido cu realidad, el a bisa.

Minister ta investiga posibilidad pa recorta training di polis

(CuracaoChronicle) – E posibilidadnan pa haci e training di polis mas cortico ta bao investigacion di Minister di Husticia Shalten Hato di partido MFK durante un bishita di trabao na Hulanda. E Minister a skirbi tocante esaki riba su pagina di Facebook.

Hato a bishita e academia di

polis Hulandes pa reuni cu e director. Varios estudio y rutan di e academia a keda examina, den conexion cu Instituto di Training pa Ley y Seguridad na Corsou.

E Minister tambe a atende lesnan cu e oficialnan den training ta tumando actualmente. Ademas, Hato tabatin e oportunidad di demostra su habilidadnan den tiramen-

to, manera por a mira den e potretnan publica adunto cu su declaracion riba Facebook.

Te ainda no ta conoci cual lo ta su proximo pasonan pa cu esaki ni tampoco si ya caba el a desaroya plannan concreto tocante e recorte di e programa di training pa polis na Corsou.



Hulanda:

Polis ta investigando abuso sexual di mucha di 5 aña na scol primario di Den Haag

(NLTimes) – Mayornan di un mucha di 5 aña a reporta na polis cu nan yiu a ser abusa sexualmente na scol primario Erasmus na Den Haag siman pasa. Polis actualmente tin e caso bao investigacion segun polis a confirma na RTL Nieuws despues di reportahe den AD.

Polis a bisa cu e mucha a pasa door di un examen medico. E oficialnan a bishita e scol y a mira tur imagen di camara disponibel. E polis a papi di comportamiento “transgresivo” y a bisa cu no tin sospechoso te ainda. No tin indicacion tampoco cu mas estudiante ta involucra of afecta.

Mensahenan den e grupo di mayornan ta indica cu e mu-



cha a ser abusa durante pauze of mientras tabata hungando pafo segun Ad. Mehr Onderwijs, e organizacion cu ta aregla cuido despues di scol na

Erasmus School, a conta e corant cu nan a mira e imagennan cu polis.

Segun e compania, e imagen-

nan ta muestra cu ningun di su empleadonan ta involucra. Tur empleado pa e dia aki tabata visibel continuamente den e camara y no tabatin

ningun situacion individual cu e muchanan, e compania a declara.

Maneho di Erasmus School tambe a emiti un declaracion pidiendo e mayornan pa permanece cu calma. E scol a confirma cu un mayor a reporta un “incidente di comportamiento inapropia” y a bisa cu nan a tuma esaki sumamente na serio.

Vocero di Erasmus School a conta AD cu e scol ta cooperando completamente cu e investigacion di polis. “Nos a informa tur mayor na e scol siman pasa tocante e posibel incidente aki. Desafortunadamente, nos no por duna mas informacion tocante e caso aki actualmente pa motibo cu polis su investigacion ta andando te ainda.”

Prestamonan Hulandes ta enfatisa e importancia di Reino

(CuracaoChronicle) - E prestamonan Hulandes haci na Corsou y Aruba ta enfatisa e importancia di cooperacion financiero dentro di Reino. E prestamonan aki a yuda ambos isla mantene nan

stabilidad financiero y preveni inkietud social. Esaki a ser declara den un rapport di evaluacion di gobierno na Tweede Kamer.

E rapport ta cubri e prestamo-

nan ocasional cu Hulanda ta provee Corsou pa e resolucion di Girobank y e refinanciamiento di debe cu Aruba. E prestamo na Corsou tabata un di 170 miyon florin, cu a ser duna cu 0 porciento di interes y cu un termino te na 2037.

Pa Aruba, Hulanda a provee un financiamiento di 523 miyon florin cu un interes di casi 6.3, cu e meta di reduci e peso di interes.

E prestamo di Hulanda pa Corsou a hunga un rol crucial den e resolucion di e caso di Girobank. Esaki a preveni un bancarota descontrola cu por a tin un impacto significativo economicamente y socialmente. Danki na e prestamo, Girobank, cual tabata responsabel pa un parti



grandi di e transaccionnan financiero riba e isla, por a cera na un manera ordena. Esaki a preveni cu 15 porciento di e poblacion, cual ta cliente di e banco, di sufri perdanan financiero.

Pa Aruba, Hulanda a ofrece un prestamo cu e meta di reduci e peso di interes. E ayudo financiero aki a spaa Aruba 82 miyon florin den gastonan di interes durante 7 aña. Esaki a yuda e isla reduci

e presion financiero y stabilisa e economia.

Segun e autornan di e rapport, e evaluacion aki ta confirma e fortaleza den e cooperacion dentro di e Reino y e importancia di strategianan financiero den temponan di crisis. E prestamo no solamente ta atende e problemanan inmediato sino tambe ta contribui na e estabilidad den termino largo di ambos Corsou y Aruba.

ONDERCURATELESTELLING



Bij beschikking van het Gerecht in Eerste Aanleg van Aruba van 30 april 2024, behorende bij AUA202400863EJ, is mevrouw Genara Sandy SCHOOP, geboren op 17 juli 1978 in Aruba, wonende in Aruba, onder curatele gesteld met benoeming van mevrouw Annetje Elizabeth ROMBERG tot curatrice.

de advocaat,

mr. drs. P.G. Dowers-Alders

LUCIANITASTRAAT # 20 | +297 582 17 18 | PIXABAYINFO@DOWERSLAW.COM

Parlamentario kier prohibi agencianan di energia cobra pa agrega surplus solar na red di coriente

(NLTimes) - Agrega energia solar cu ta un surplus na e red electrico no mester costa mas placa. Esaki ta loke a declara den un proposicion entrega pa parlamentario Wytske Postma, ken ta bisa cu e tin e sosten di otro partidonan di coalicion PVV, VVD y BBB.

Bao e skema asina yama 'netting', e viviendanan por kita e electricidad cu nan ta genera for di nan consumo. Si hende crea mas electricidad di loke nan ta usa, e proveedor di energia mester paga un "compensacion rasonabel" pa esaki.

Ora cu un cantidad substancial di electricidad ta genera pero no hopi ta ser usa, manera un dia cu tin hopi solo, e compania di energia



su prijs di compra teoreticamente por bira negativo. Den e caso aki, e doño di e panel solar, no e proveedor di energia, mester paga extra pa e electricidad aki.

Postma a bisa cu e skema aki

ta haci viviendanan duda si nan kier usa nan panel solar. Su proposicion ta declara cu e proveedor di energia su "compensacion rasonabel" pa e poder berde cu a genera den surplus nunca no por ta negativo. Pa motibo cu e skema di

netting ta costa e proveedor di energia mas placa, varios compania ta cobra e casnan cu ta debilbe energia na e red, aunke nan ta duna back mas di loke nan ta usa.

Te ainda no ta completamente cla cua e consecuencianan di NSC su proposicion ta tocante e costo. Postma a bisa cu parlamento tin cu sigura cu e viviendanan no tin cu paga pa e energia cu nan ta genera. "Mi no kier pa e doñonan di panel solar sinti stress pa motibo cu e solo ta briyando."

Mientras e parlamentario di

NSC a trece dilanti e preocupacionnan aki, VVD a cuestiona con real e coalicion su plan ta y Postma su proposicion su interpretacion. VVD su Silvio Erkens a bisa den un debate tocante e topico cu e proveedor di energia toch por cobra pa e energia cu e vivienda ta usa, incluyendo esunnan cu ta duna energia back na e red. "Mi ta kere cu algun cos ta ser confundi," Erkens a bisa. "Tin un impuesto di 'feed-in' y tin un tarifa di 'feed-in'. E impuesto ta loke Postma ta purba aboli, e tarifa no ta permiti pa ta negativo segun e proposicion cu a ser haci diahuebs.

Escencialmente, tin un gran cantidad di confusion alrededor di e aspecto aki di e politica di energia Hulandes ora di considera e coalicion su acuerdo amplio, Postma su proposicion y Erkens su respuesta.

Energie Nederland, e asocion pa companianan di energia na Hulanda, a bisa den respuesta na Postma cu e ta lamenta cu e pais su politica ta asina caotico.

Prohibicion di smartphone na scol a resulta den mas socialisacion y menos distraccion



(NLTimes) - Hulanda su decision di laga scolnan prohibi smartphone na scol a resulta den mas socialisacion entre studiantenan, menos distraccion y menos bullying, segun Radboud University Nijmegen a haya den su prome estudio tocante e politica estricto tocante telefon cu a drenta efecto dia 1 di januari.

Di otro banda, e studiantenan ta reporta cu nan ta encontra mas problema practico awo cu nan no tin telefon den man mas, De Volkskrant a reporta.

Radboud University su investigadornan a haci un encuesta cu alrededor di mil estudiante di scol prome cu e prohibicion y 3 luna despues. Mas cu mita di e studiantenan cu a participa a bisa cu awo nan ta papia cu nan amistadnan y demas compañero den klas mas.

40 por ciento a bisa cu awo nan ta disfruta pauze mas. "Ora cu e politica no a keda implementa, tur hende tabata den un screen y no tabatin hopi hende ta papia cu otro," un estudiante a bisa.

21 por ciento a bisa cu awo nan ta menos distrai den

klas. "Menos di loke mi a premira," lider di e investigacion Loes Pouwels a bisa, pero toch un efecto notabel. "Un splicacion posibel pa esaki ta cu awo e studiantenan ta haya distraccionnan mesun facil riba nan laptop."

Studiantenan tambe a reporta menos comportamiento di bullying, segun Pouwels. "Haci obligatorio pa warda bo telefon ta un medida relativamente chikito pa docentenan y aparentemente tin un efecto significativo."



**TRABOU DI MANTENCION
RIBA LIÑA DI SEROE JANCHI**
Interupcion di Coriente

En conexion cu trabounan necesario pa mantene un suministro di coriente confiabel, e servicio di coriente lo wordo interumpi:

Diaranson, 29 di mei 2024
8:00 AM te cu 4:00 PM

Den vecindario di:

- Boegoeroei (un parti)
- Caya Dorothea R-Gil
- Matadera (un parti)
- Montaña (un parti)
- Paraguana (un parti)
- Sabana Liber (un parti)
- Saliña (un parti)
- Seroe Janchi

N.V. ELMAR ta pidi disculpa pa e inconveniencia cu e interupcion di coriente aki por causa.

Bishita www.elmar.aw pa mira e lista di adresnan afecta.

Danki pa e comprension.


ELMAR

A destitui fiscal general di Peru pa interveni den investigacion contra su ruman

(EFE) – Hunta Nacional di Husticia di Peru (JNJ), organo maximo di hudiatura a dicidi destitui e fiscal general Peruano, Patricia Benavides, ken tabata suspendi temporalmente di su funcion, debi cu a interveni den un investigacion habri contra su ruman muhe y hues, Enma Benavides.

JNJ a tuma e decision despues di scucha e ponencia di su miembro titular Zaria Zavala riba e procedemento disciplinario ordinario contra Benavides, den cual a keda demostra cu a comete varios falta grave ora tabata representa e institucion den conhunto, loke a nifica un “perhuicio mayor.”

E caso ta referi na e supuesto intervencion di Benavides den investigacion habri pa fiscal Bersabeth Revilla contra su ruman Enma Benavides, denuncia pa laga den libertad supuesto narcotraficante a cambio di beneficiar, ademas pa e elaboracion di un rapport controversial elabora pa e fiscal supremo



Azucena Solari cu a sirbi pa kita Revilla.

“Ta keda acredita cu rapportnan ta inconsistente, como prueba adicional den declaracion di ex-asesor Jaime Villanueva,” Zavala a indica haciendo referencia na loke testigonan y colaborador di husticia a bisa den cual tabata confirma e plan pa kita Revilla.

A sigura cu a demostra cu fiscal general a kita Revilla di su funcion “cu e finalidad real di interveni den investigacion contra su ruman Enma Benavides pa logra suspende e proceso penal.”

Den sentido aki, Zavala a recomenda destitui Patricia Benavides como fiscal supremo titular y di e funcion di fiscal di nacion pa inter-

veni den e investigacion di su ruman, di kita Revilla for di su funcion sin motibo y duna un “trato degradante.”

Tambe a plantia su destitucion pa nombra reemplazo di Revilla na un fiscal cu tabata sanciona caba e cual a denuncia tambe.

JNJ tambe a kita Enma Benavides pa motibo cu a considera

cu ta suficiente acredita cu e hues a comete un falta grave ora a interveni den funcion di fiscalia y pa gaña riba su antecedentenan y sancionnan na Ministerio Publico.

Patricia Benavides ta bao investigacion na e momentonan aki pa ta lider di un supuesto organizacion criminal di trafico di influencia na Ministerio Publico pa lo cual tabatin caba un solicitud di suspension di su funcion pa 36 luna.

Abogado di Benavides, Jorge del Castillo a sigura cu “esaki ta un atropayo cu ta duna berguensa” ora a rechasa e decision aki.

JNJ a nombr’e como fiscal general na 2021, pa un periodo di tres aña y for di december e fiscal Juan Carlos Villena a reemplaz’e den su funcion. Dia 2 di mei ultimo, e fiscal suspendi a reclama na JNJ pa trek “e decision nefasto” pa administracion publico, ora a pidi pa elimina su suspension impone contra dje na december ultimo.

Corte Internacional di Husticia a duna su fayto contra Mexico riba medidanan contra Ecuador

(CNN) – Corte Internacional di Husticia (ICC) na Den Haag ayera diahuebs a rechasa e peticion di Mexico cu a solicita medidanan provisional den e demanda cu ta mantene contra Ecuador pa entrada na su embahada di Quito.

E encargado di haci e lectura tabata hues Nawaf Salam, presidente di e corte, ken a bisa cu nan no ta considera “urgente” of un riesgo “real of inminente” pa rekeri e medidanan cautelar solicita pa Mexico contra Ecuador, aunke a enfatisa si e “importancia fundamental di respeta Convencion di Viena”.

“Pa unanimidad, Corte ta haya cu e circunstancianan, manera ta presenta awor na tribunal, no ta pa rekeri e medidanan aki.”

E solicitud aki a origina pa entrada di Polis na embahada pa detene ex-vice-presidente di Ecuador, Jorge Glas dia 5 di april ultimo. Den un audiencia anterior na e proceso di

deliberacion, ICC a priorisa e tratamiento di medidanan provisional den e demanda presenta pa Mexico.

Corte a cuminsa describiendo e antecedentenan di e caso na unda 17 di december Jorge Glas Espinel, ex-vice-presidente di Ecuador a yega na embahada di Mexico na Quito solicitando proteccion debi na preocupacion riba su seguridad personal, un orden di detencion a cay contra Glas dia 5 di januari ultimo y durante e siguiente lunanan ambos pais a intercambia notanan diplomatico riba e situacion di Glas, dia 29 di februari Ecuador a solicita acceso na embahada pa ehecuta e orden di aresto pero Mexico a nenga e solicitud ey.

Pa 4 di april Ecuador a declara embahador di Mexico na Quito, Raquel persona non grato debi na declaracionnan publico di e presidente Mexicano tocante eleccionnan na Ecuador. Mexico a lamenta e decision ey y a anuncia cu lo otorga asilo politico na Glas, exigiendo un salvoconducto



pa un salida mas sigur, pero Ecuador a rechasa e solicitud ey argumentando cu e asilo politico tabata ilegal segun Convencion di Asilo Diplomatico di 1954 y di 1933.

Awor, den e proceso di e demanda, ta falta pa conoce e fayto definitivo, di e cual su fecha no a ser anuncia te ainda.

Dia 2 di mei ultimo, Mexico a pidi na ICC pa Ecuador duna cuenta pa loke a sucede na Embahada di Quito caminda

a presenta argumentonan pa establece cu no ta existi excepcion algun pa viola e inmunidad di embahada.

Pa instruccion di e presidente Andres Manuel Lopez Obrador y Secretaria di Relacionnan Exterior, Alicia Barcena, Canciyera a participa den audiencianan di ICC tocante e solicitud di medidanan provisional contra Ecuador.

E delegacion Mexicano tabata conforma pa funcionarionan

publico, entre nan Servicio Exterior Mexicano cu un experticio den temanan di derecho internacional, incluyendo e negligencia comercial cu ta facilita e trafico ilicito di armanan pa Mexico.

Dia 1 di mei, Ecuador a haya e oportunidad di presenta nan puntonan na ICC unda a purba cuestiona argumentonan di e delegacion Mexicano, señalando cu Mexico no a negocia un solucion despues di e incidente di embahada.

Cuba: Por lo menos 700 mil ciudadano no ta ricibi awa tur dia door di blackout

(CiberCuba) – Alrededor di 700 mil persona na Cuba no ta ricibi awa diariamente debi na e blackoutnan di coriente, ya cu e sector hidraulico ta e di dos consumidor mas grandi di energia electrico despues di e demanda di e poblacion, segun fuentenan oficial a informa.

Antonio Rodriguez Rodriguez, presidente di Instituto Nacional de Recursos Hidraulicos (INRH), a cualifica e distribucion di awa limpi den actualidad como un situacion hopi compleho, señalando e blackoutnan di electricidad continuo como e motibo, corant oficialista Granma a reporta.

Aunke e cifra di personanan cu no ta conta cu servicio di awa diariamente debi na e blackoutnan ta alarmante, solamente mita di e poblacion Cubano ta ricibi e servicio aki di un manera consistente, mientras cu e resto no ta ricibi esaki pa diferente motibo, manera e segura, e



falta di red di distribucion, corrupcion, entre otro.

Rodriguez a describi e panorama lamentable cu e gruponan di electricidad tin na e plantanan di suministro, señalando cu recientemente tabatin cobertura pa solamente un 36% di e fuentenan di suministro den e teritorionan: “nos a yega na un 57%, pero nos ta spera di por cubri un 65% cu e entrada di otro

baterianan, proximamente,” el a bisa sin indica un fecha.

E funcionario a admiti cu e problema ta bira mas agudo debi na cu empresanan en-carga cu e mantencion y reparacion na e gruponan di electricidad no tin e piesanan di repuesto, cual ta haci dificil cu por pone e ekiponan traha.

Ademas, e suministro di combustible na e gruponan

aki tambe ta enfrente dificultadnan. E presidente di INRH a hustifica esaki na momento di señala cu “algun di e gruponan aki ta ubica na lugarnan cu tin acceso dificil, y no semper nan ta ricibi e diesel na tempo.”

Pa purba yuda, el a señala cu e awa ta wordo transporta den trucknan di carga “lo cual ta haci e ciclonan na e comunidatnan ey cu no ta ricibi awa

mas largo” poniendo den evidencia e situacion dificil cu e personanan afecta ta enfrenta pa e falta di suministro di awa.

Manera un posible solucion, Rodriguez a señala cu actualmente nan ta realisando e instalacion di 722 ekipo cu alimentacion energetico solar pa reduci e dependencia di e pompmento na e red nacional di electricidad.

Den e sentido aki, el a bisa cu tin mas di 600 brindando servicio y otro 144 a caba di drenta pa e municipionan den e seronan: “Mi ta papia di 170 stacion di pompmento cu ta bay pone 70 ekipo alimenta pa panel solar na e oriente di e pais. Otro 74 ta bay ta destina pa Villa Clara.”

Por ultimo, e funcionario a indica cu pa luna di juli nan ta pretende di tin “866 ekipo funcionando, cu ta 866 luga na unda e blackoutnan no ta bay afecta e suministro di awa.”

Empleadonan no-docente ta pone fecha pa posibel accion di protesta na Universidad di Puerto Rico

(ElNuevoDia) - Den un voto unanime, miembronan di Hermandad de Empleados Extentos No Docentes (Heend) a aproba diaranson e autorisacion pa implementa un voto di protesta na Universidad di Puerto Rico (UPR), loke ta implica cu e hunta di directornan di e organizacion lo por declara un accion di protesta na cualkier momento dilanti e decision negativo di e administracion universitario pa ratifica su convenio colectivo nobo.

“Nos a gasta tur e camindanan di dialogo y negociacion. Nos proteccionnan laboral ta den wega y nos no por permiti cu nan ta wordo viola. E protesta ta nos respuesta legitimo y necesario,” Carlos De Leon, presidente di Heend, a declara.

A traves di un comunicado di prensa manda pa Heend, nan a indica cu den februari ultimo e colectivo a logra resolve un acuerdo relaciona cu e stipulacion economico cu ta



otorga na e miembronan di e Hermandad un bonus di tres mil dollar pa firma un convenio colectivo.

Una bes cu e obstaculo aki wordo supera pa finalisa e negociacion di un convenio nobo, e misiva ta indica, e Hunta di Gobierno di UPR

no a cumpli ainda cu su responsabilidad di ratifica e convenio colectivo negocia pa e presidente di e Universidad, Luis A. Ferrao.

E miembronan ta sigura cu e decision negativo di e hefe di formalisa e acuerdo cu e empleadonan no docente a laga

nan sin otro opcion cu eherce nan derecho di un accion.

“Desde cu e negociacion a termina den luna di december ultimo, e convenio colectivo nunca tabata den controversia,” Lorraine Mejias, vice-presidente di e Hermandad, a afirma.

“Cualkier historia cu e administracion ta dunando na e momentonan aki pa no firma e convenio ta excusnan sin validez, cu ta resulta den un menasa pa nos door di cual nos ta activa e voto di protesta,” el a agrega.

E Frente Amplio en Defensa del Presupuesto di UPR, cu ta agrupa diferente organizacion sindical, algun di cual tambe ta na e mesa di negociacion cu e administracion universitario, como tambe asocionnan di empleado, di estudiante y pensionadonan cu a muestra nan apoyo na Heend, mientras cu nan a sigura cu nan lo uni na e protesta defendiendo nan derecho na e negociacion colectivo y nan ta bay exige pa debolbe e presupuesto completo na UPR.

E fecha di cuminsamento di e protesta ta programa pa e proximo diabierna, 31 di mei.

“Nos ta dunando instruccion na nos staf pa nan recoge nan pertenencianan y stop di colabora cu e administracion

Charlie Colin, miembro fundador di e banda Train ta fayece despues di slip den baño



(AP) – Charlie Colin, bahista y miembro fundador di e banda Train, miho conoci pa su hitnan manera “Drops of Jupiter” y “Meet Virginia,” a fayece. E tabatin 58 aña di edad.

Colin su ruman muhe Caro-

lyn Stephens a confirma su ruman homber su fayecimento na The Associated Press riba diaranson. El a fayece despues di a slip y cay den baño mientras e tabata cuidando cas pa un amistad na Brusells, website di celebridad TMZ.com a reporta.



Colin a crece na Southern California, atendiendo Berkeley College of Music na Boston. Despues di universidad, el a toca den un grupo yama Apostles cu Jimmy Stafford y cantante Rob Hotchkiss. E banda eventualmente a kibra y Colin a muda bay Singapur pa skirbi cantica.

Eventualmente, Colin, Hotchkiss y Stafford a muda bay San Francisco, unda Train a keda forma den comienso di añanan 90 cu cantante Pat Monahan. Colin a trece e drummer Scott Underwood pa completa e grupo, segun un entrevista entre Colin y

Hotchkiss na Berklee su revista.

Como miembro fundador di e banda, Colin a toca den e banda su prome 3 grabacionnan, 1998 su album cu e titulo di e banda, 2001 su Drops of Jupiter y 2003 su My Private Nation. E ultimo dos a yega te na posicion number 6 den Billboard 200.

“Meet Virginia,” for di Train su album debut a drenta Billboard Hot 100 riba posicion 20, sinembargo tabata nan album sophomore cu a confirma e banda su exito.

E cancion “Drops of Jupiter” a yega Platino 5 biaha cu Rolling Stones su pianista Chuck Leavell y Leonard Cohen su orkestrador Paul Buckmaster y a ser skirbi tocante e fayecimento di Monahan su mama. El a yega posicion number 5 den Billboard y a gana 2 Grammy, incluyendo Best Rock Song.

Colin a sali for di Train den aña 2003 a causa di abuso di substancia.

“Charlie ta un tocado di baho increibel, pero e tabata pasando door di hopi dolor y e manera cu e tabata lidia cu

esaki tabata doloroso pa tur hende rond di dje,” Monahan a conta NBC San Diego.

Den aña 2015, el a reuni cu Hotchkiss pa cuminsa un banda nobo yama Painbirds, conhuntamente cu Tom Luce. Den aña 2017, el a forma otro banda, Side Deal, cu Sugar Ray su Stan Frazire y PawnShop Kings su Joel y Scott Owen.

Prome cu su fayecimento, Colin a documenta su tempo na Brussels, nombrando esaki “oficialmente mi ciudad faborito” den un publicacion riba Instagram cu el a haci den maart.

Colin tambe a traha como e director musical di Newport Beach Film Festival.

“Charlie tabata un parti special di e famia di Newport Beach Film Festival,” Todd Quartararo, co-fundador di e festival a comenta. “Su curason, su compasion y su creatividad di sigur lo ser stranja.”

Charlie ta laga atras y ta ser sobrevivir pa su mayornan, su ruman muhe y su sobrina.

Local Residents Special

50% off on any spa treatment

Includes

- Complimentary Mimosa
- Complimentary beachside and poolside seating*

Local residents also receive 25% off at Laguna, Gilligans and Castaways Bar**

eforea SPA
Hilton Aruba

*offer is valid for residents with local ID. Up to 3 additional guests and subject to availability.
**excluding full-sized bottled beverage and buckets.
Open daily 9:00AM - 6:00PM | +297 5266052 | auahh_eforea_aruba@hilton.com

Orario di servicio diabierna 31 mei 2024

En connexcion cu un reunion obligatorio pa su empleadonan, Banco Central di Aruba (BCA) ta informa cu e lo ta sera pa publico dia **31 mei 2024** entre **8:30 di mainta pa 12:30 di merdia**. BCA lo ta habri bek na e horario usual parti atardi entre 1:00 di merdia pa 5:00 di atardi.

Aruba, 24 mei 2024
Banco Central di Aruba

BUILD YOUR OWN HOME BUNDLE!

Pick & Choose TWO services

VOICE &
TV
**Starts at
Afl. 96**

VOICE &
INTERNET
**Starts at
Afl. 161**

TV &
INTERNET
**Starts at
Afl. 178**

**Now with
FREE INSTALLATION**



SETAR
setar.aw | Teleshops

* Free installation is valid only for new customers who apply for a combination bundle of Pick & Choose (TV + Internet, TV + Voice, or Voice + Internet) with a 2-year contract until June 8, 2024.

Proyecto di agroforesteria ta sembrando un futuro sostenibel pa nos muchanan



Diasabra cu a pasa, 18 di mei 2024, Ministerio di Naturalesa a yuda Scol Basico Dornasol cu un hardin di alimentacion. Esaki ta den cuadro di e proyecto agroforesteria na scolnan basico. Un danki special na cabesante Zuleika Arendsz y su ekipo como tambe Koninklijke Militaire Academie, Santa Rosa, mayornan y comunidad cu a bini hunto y yuda cu e proyecto.

E proyecto agroforesteria na scolnan basico tin como meta e promocion di agricultura sostenibel bou muchanan.

Como inicio a cuminsa planta un variedad di fruta y berdura, cual ta trece e oportunidad pa alumnonan por siña mas tocante e importancia di siguridad di alimentacion y alabes balora nos sector primario.

Scol Basico Dornasol ta e di ocho scol cu a participa na e proyecto di agroforesteria. E proyecto a inicia na januari 2024 y awor ta yegando na final di e prome fase di e proyecto, faltando dos scol mas, esta Pius X dia 8 di juni y Colegio Santa Filomena cu lo tuma luga dia 15 di juni. Algun scol cu originalmente

lo a forma parti di e proyecto a cay afo, pero a scoge pa moestuín of otro forma di plantamento. Ministerio di Naturalesa lo percura pa nan haya sosten di Santa Rosa pa cu esaki.

E diasabra binidero 25 di mei 2024 lo tin mantencion na Prinses Amalia di 7'or pa 1'or di atardi. Prinses Amalia tin un agroforesteria planta y di parti Ministerio di Naturalesa ta invita henter comunidad pa duna un man cu mantencion di e hardin. Minister Ursell Arends ta gradici tur persona cu den un of otro manera ta aportando na e proyecto di agroforesteria na scolnan basico.

“Nos futuro ta den nos man, y cu cada simia cu nos planta nos ta dal un paso mas cerca pa siguridad di alimentacion,” Minister Arends a remarca, “nos ta sigui sembra e speranza pa un futuro sostenibel, un futuro cu nos muchanan por ta orguyoso di dje.”

Pa mas informacion riba e

Wowo Critico: Tereno bashi acumulando sushi



Den bario di Madiki tin un tereno cu tin varios aña bashi y manera por wak riba e potret no solamente e ta yen di palo, mata y yerba bastante halto, pero e ta acumulando hopi sushi tambe.

proyecto di agroforesteria y kico por haci pa yuda, por bishita e pagina di Facebook

Den pasado ya caba e doñonan a yega di haci e tereno aki completamente limpi, pero aworaki a lag'e bay atras y yena atrobe cu yerba te cu aworaki e tin un cantidad di sushi tambe.

di Santa Rosa of contacta nan directamente.

Opinion ta un seccion di **Bon Dia Aruba** specialmente pa brinda oportunidad na lectoran individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organisacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

OPINION



Skirbi pa *Gregorio Wolff*

Palestina su lucha, protestanan, paz , futuro di Palestina y Israel (Parti III)

Hamas ta sigui su lucha, Israel no tin mas opcion, estado Palestina ta bati na porta di ONU

Aki ta sigui e tercer y ultimo parti di e piesa di opinion aki.

Protestanan pro Palestina y futuro di Israel ta insigur. Por bisa cu ya Hamas a gana e guerra politico, ta bin un estado Palestino. Netanyahu y su ministronan extremista no kier ni PA, ni Hamas, ni un estado Palestino. Mayoria di Hudiunan na Israel sigur no kier un Estado Palestino, pero nan ta para nan so. Mundo henter ta mira esaki como solucion pa e problema na Palestina.

P'esey awe na mundo completo nos por mira e protestanan grandi contra Israel y apoyo na Gaza/Palestina. E protestanan ta sigui crece y abiertamente paisnan cu, laga nos bisa ayera, tabata apoya Israel, ya awe ta bisa Israel pa e stop e matamento/genocidio. Esaki ta e caso di Union Europeo.

Un cos ta sigur, Merca ta uzando Israel pa su propio

agenda. Si Israel perde su bator strategico pa Merca, por ehempel, si e Paisnan Arabe, rico na Petrol y na Finanzas no ta respalda Merca mas pa motibo di su relacion cu Israel, e casonan con Merca a laga Vietnam y Afghanistan cay, lo ta bek ariba mesa. Merca por stop cu e ayudo financiero y militar na Israel. Y...si mundo Arabe tuma revancha con Israel a trata nan e ultimo 76 aña, Israel ta cay den problema grandi, cu futuro insigur.

P'esey hopi hudiunan na mundo no ta di acuerdo cu Netanyahu y su gobierno extremista.

Awe tambe ta bisto e acuerdo di Iran cu SA (Saudi Arabia) ariba varios temanan, e.o. politica na Medio oriente, asuntonan nuclear, unda Iran tin un conocimiento grandisimo pa yuda SA.

Iran ta e enemigo mas pio di Israel y Merca. SA tabata te poco tempo pasa, e amigo

mas mihor di Merca y di Israel na medio Oriente. Ariba un otro ocasion ta bon pa skirbi ariba e poder di Iran, su grandura, su pueblo di casi 90 miyon hende, bon studia intelectualmente, su ciencia, su poder militar, etc.

Traicion di 1948, reparticion di Palestina

Biniendo bek na e traicionnan contra Palestina, un traicion grandi ta e decision di UNO na 1948, cu Palestina ta ricibi 46% di e terenan di Palestina y Israel 54%, mientras cu Palestinonan tabata e poblacion mas grandi y nan tabata posee mas hopi tereno cu e Hudiunan. Pa hudiunan di Israel e particion no tabata un problema, pasobra ya nan tabatin e mal intencion pa kita=roba mas terenan di e Palestinonan. Ben Gurion e lider di Israel a bisa esaki ya na 1938 y na varios ocasion prome cu e decision di UNO cu nan lo forma un ehercito elite pa saca Palestinonan for di nan lugarnan y crea lugarnan pa Hudiunan di Israel

biba na Palestina. Esey a pasa tambe.

Na 1948, 15 mei, a cuminsa e NAKBA, asina yama pa e Palestinonan, cual ta nifica e desaster o Catastrofe Palestino. Esaki tabata e atakenan di hudiunan contra Palestinonan pa contra nan boluntad aleha nan mes for di terenan cu semper tabata di nan y tambe yuda dor di masacrenan di Palestinonan. Israel a declara 78% di e teritorio di Palestina como teritorio di Israel, esaki contra e decision di reparticion di UNO, cual tabata 54% pa Israel y 46% pa Palestina. Esaki a sosode cu expulsion masal di Palestinonan (+ 1 miyon Palestino) for di nan teritorio. Loke a pasa na Palestina tabata un ehempel clasico di Etnic Cleansing=likidacion etnico di Palestinonan for di nan teranan, cu Israel a ocupa, awor como tereno Israeli. Nacionnan Uni no a haci nada.

For di 1998 Palestinonan ta

conmemora Nakba-Day, 15



Skirbi pa *Merlynne Williams* di *Instituto Pedagogico Arubano*

E crioyo mediado

Papiamento semper a hunga un papel di mediado den diferente area na beneficio di e desaroyo di nos comunidad. Aunke kisas nos no ta realisa, nos tin mester di Papiamento y Papiamento mester di nos pa hunto nos sigui cu nos habilidad excepcional di ta creativo, flexibel y resistente.



Papiamento a origina bou di circunstancia di conflicto, caminda comunicacion tabata necesario pa por a sobrevivi. Den e proceso aki e desaroyo di Papiamento tabata un necesidad. For di varios fuente historico local y internacional nos por confirma cu Papiamento tabata carga identidad di e pueblonan di e islanan A, B, C y cu tabata uz'e for di masha trempan

caba den varios area diario, esta e area di cas, di religion, di caya, di ofishi, di enseñansa, y di gobierno.

Loke ta resalta di e evidencia aki ta cu na un manera organico y amistoso, Papiamento (personificando su papiadonan) a cera amistad cu idioma di otro cultura, te hasta gana nan cariño y respet. Consecuentemente Papiamento ta refleha un mul-

tilingualismo y multiculturalidad organico, cu ta haci'e un idioma flexibel, dinamico y resistente.

Si nos ta consciente di e potencial multilingual y mediado di Papiamento den nos bida, nos lo no duda den incorpor'e inmediatamente den nos scolnan. Si nos ta reconoce con esencial comp-

resion ta den nos desaroyo holistico, Papiamento no por keda afo di nos formacion cognitivo. Papiamento t'ey awe mas cu nunca, para cla pa sostene nos como fundeshi den siñamento y pensamiento. E pregunta ta awo: nos tambe t'ey pa Papiamento?

Mescos cu nos mester di Papiamento, Papiamento tambe mester di nos. Un lenga no tin bida sin esnan cu ta papi'e. Ta su papiadonan ta dun'e bida. Ta su papiadonan ta sigui desaroy'e y dun'e forza pa sigui briya. Pa un desaroyo saludabel di nos tur dos, ta importante pa nos cera conoci bek cu otro, pa medio di entre otro contamento di storia (na cas), siña, lesa, skirbi y rek (na scol), arte y musica (riba medio social y cultural), comunicacion (den comercio

y sector gubernamental).

Bo ta reconoce e potencial di Papiamento? Bo ta dispuesto pa duna nos futuro generacionnan e oportunidad di por sigui desaroya optimalmente danki na e idioma crioyo unico aki? Papiamento su sobrevivencia ta depende di bo.

Desde 21 di mei 2003 Papiamento a haya e status di idioma oficial na Aruba. seis aña despues, riba e mesun fecha, a funda Fundacion Lanta Papiamento (FLP) y riba 21 di mei 2010 a oficialisa FLP. Aña escolar nobo (2024-2025) Papiamento lo drenta mayoria scol basico den klas 1. Esaki tin como consecuencia cu mayoria mucha porfin lo siña lesa y skirbi pa medio di e crioyo mediado.

24 altocomisario den region a topa hunto na e conferencia di ACCP

Recientemente a tuma lugar un conferencia di (ACCP) Association of Caribbean Commissioners of Police. Esaki ta in conferencia cu ta tuma lugar cada aña y nos altocomisario di Polis drs. Ramon Arnhem tambe tabata presente e aña aki.

Cada aña na Miami ta scoge un Pais pa haci e conferencia y e biaha aki e a toca turno na e Pais Belize. Durante e conferencia a toca diferente tema y presentacionnan importante. Altocomisario Arnhem a dirigi su presentacion na e crimen transnacional (ondermijning) den region bou representacion di College van



Korpschefs di Reino Hulanda na unda e ta dirigi e cartera di combati crimen transnacional (ondermijning).

Cu colaboracion strategico y

operacional Polis y partnernan paden pafo di region como tambe intercambio di informacion y inteligena ta importante y necesario pa combati efectividad di cri-

men transnacional. "Criminalnan ta traha hunto y nan ta sigui opera mas leu cu e frontera p'esey mester innova y traha mas estrecho cu otro pa combati esaki" tabata palabra di altocomisario Arnhem durante su presentacion. Kico ta Crimen transnacional (ondermijning)? Ta un crimen hopi organisa caminda e criminalnan ta usa y abusa di e sociedad pa realisa nan actividadnan criminal. Ehempel di esaki ta: Labamento di placa, trafica hende y fraude. Hopi biaha esaki ta wordo opera riba frontera y criminal for di diferente Pais ta involucra. Kico ta ACCP? E ta un conferencia impor-

tante na unda 24 altocomisario di diferente Pais den region ta bini hunto den un solo conferencia pa intercambio di idea y conocimiento pa asina otro Pais cu ta miembro cu tin problema di seguridad por haya ayudo y hunto combati esaki. Tambe tabata tin representante di FBI, Interpol, Impacs, US Homeland Security, NCA UK, RMP a bishita e conferencia aki.

Pa Aruba esaki tabata uno exitoso na unda a estrecha lasonan fuerte cu otro Paisnan pero tambe cu representantenan di diferente organisacion nan importante di Husticia y Seguridad.



Motociclista herida den un accidente na e rotonde di Cumana

Diaranson mainta a drenta informe di un accidente cu hende herida na e rotonde di Cumana, mesora a dirigi tanto polis como ambulance na e sitio.

Na yegada di e patrulla a bin compronde cu aki ta trata di un accidente entre un taxi y un scooter unda nan a dal den otro. Door di e impacto y caida e motociclista a resulta herida. Na yegada di e ambulance nan a atende e victima y a transporte pa hospital pa atencion mas avansa.



Polis y ambulance a bay OM pa un persona cu a bira malo

Diaranson mainta a drenta informe di cu tin un persona cu a bira malo na Ministerio Publico, mesora a dirigi tanto polis como ambulance na e sitio.

Na yegada di e patrulla a bin compronde cu un persona cu a bini pa un reunion lo a bira malo y a pidi ambulance cu poco mas urgencia. Na yegada di e ambulance nan a atend'e y a transporte mesora pa hospital.



Accidente pa falta di preferencia na e crusada di Pos Abao cu Caya Musica

Diaranson merdia a drenta informe di un accidente na e crusada Pos Abao cu Caya Musica, mesora a dirigi un patrulla na e sitio.

Na yegada di e patrulla a bin compronde cu aki ta trata di un accidente unda e chauffeur di un Hyundai Accent

binendo di pariba a para duna chens na e Kia Cerato binendo di nort, pero door distraccion e chauffeur di e Kia no a sali y net e chauffeur di e Hyundai Accent a dicidi sigui. Ata e chauffeur tambe a sali y a bay dal riba e Accent. Sfortunadamente ningun hende a resulta herida.

DOW

De Minister van Algemene Zaken, Innovatie, Overheidsorganisatie, Infrastructuur en Ruimtelijke Ordening is voornemens in het openbaar aan te besteden.

"Levering van werkkleding ten behoeve van Dienst Openbare Werken voor het jaar 2024 en 2025".

Volgens bestek D.O.W. -nr. 4, dj. 2024

Korte omschrijving van het werk: Levering van werkkleding (Uniform) ten behoeve van Dienst Openbare Werken voor het jaar 2020.

Het bestek is vanaf 24 mei 2024 verkrijgbaar bij het secretariaat van de Directie van D.O.W. (op de 2^e verdieping) tegen betaling van Afl. 350,00. De betaling moet worden voldaan door middel van Pinpas bij de kassier van de Dienst voor Openbare Werken DOW (Infra gebouw, begane grond) te Sabana Blanco 68.

Inlichtingen worden verstrekt op 28 mei 2024 om 10.00 v.m. in de grote vergaderzaal (1^{ste} verdieping) van de DOW te Sabana Blanco 68.

De Nota van Inlichtingen wordt vastgesteld op 31 mei 2024 en is vanaf die dag verkrijgbaar bij het secretariaat. De openbare aanbesteding vindt plaats op 21 juni 2024 om 11.00 v.m. op het kantoor van de Directeur van de Dienst voor Openbare Werken te Sabana Blanco 68.

De inschrijver moet bij zijn inschrijving de volgende vereisten overleggen: 1. Bewijs van inschrijving bij de Kamer van Koophandel.

Inschrijving dient te geschieden op het aan het bestek toegevoegde en gewaarmerkte inschrijvingsbiljet.

Consultante politico tras yamadanan robotico di Biden falso ta enfrenta boet di 6 miyon dollar y acusacionnan criminal

(AP) – Un consultante politico cu a manda yamadanan genera pa inteligencia artificial cu ta imita bos di President Joe Biden na votadornan prome cu New Hampshire su primario presidencial ta enfrenta un boet di 6 miyon dollar y mas di dos decena di acusacion criminal.

Federal Communications Commission a bisa cu e boet cu a propone diahuebs pa Steven Kramer ta e prome cu ta involucra tecnologia di inteligencia artificial. E compania cu ta acusa di a transmiti e yamadanan, Lingo Telecom, ta enfrenta un boet di 2 miyon dollar, aunke den ambos caso e partidonan por yega un arreglo of negocia mas segun FCC.

Kramer a admiti cu e la orkestra e mensahe cu a ser manda na miles di votador dos dia prome cu e prome primario den e nacion dia 23 di januari. E mensahe ta reproducir un bos genera pa inteligencia artificial similar



na e President actual y ta usa su frase “What a bunch of malarkey” y ta sugeri falsamente cu vota den e primario por afecta votacion den november.

Kramer ta enfrentando 13 acusacion cu ta acusa cu e ta den violacion di New Hampshire su ley contra intento di prveni cu un persona lo vota usando informacion cu ta duna e impresion incorrecto. Tambe e ta enfrenta 13 acusacion di crimen menor unda ta acusa

su persona di falsamente representa su mes como un candidato cu su propio conducta of esun di otro persona. E acusacionnan a ser otorga den 4 sitio y e lo ser procesa pa e estado su procurador general.

Procurador General John Formella a bisa cu New Hampshire ta comprometi pa sigura cu su eleccionnan “lo permanece liber di interferencia ilegal.” “Mi ta contento di mira cu nos partnernan federal



ta comprometi di mesun manera na proteha e consumidornan y votadornan for di yamadanan robotico dañino cu ta stroba nan libertad di vota,” Formella a bisa, ken a keda designa pa gobernador Republicano, Chris Sununu.

Lingo Telecom a bisa cu ta den desacuerdo cu FCC su accion, cual el a yama un intento di purba impone reglanan nobo di manera retroactivo.

“Lingo Telecom ta tuma su obligacionnan regulatorio extremadamente na serio y a coopera completamente cu agencianan federal y di estado pa asisti den identifica e partidonan responsabel pa e campaña aki,” e compania a bisa. “Lingo Telecom no tabata involucra di ningun manera den e produccion di e yamadanan aki y e accionnan cu el a tuma a cumpli cu tur regulacion y standard di e industria aplicabel.”

Erupcion di X-flare y cme ariba e Solo, generando tormenta geomagnetico G4 y G5 y R3

Pa medio di e comunicado aki Aruba Astro Research Int. asociacion nacional Arubano di astronomia pa medio di Sr. Marcos Bislip presidente y vocero di e instancia oficial pa cu e tereno di astronomia aki na Aruba ta informa cu for di diaranson dia 8 di mei 2024 a inicia erupcionnan grandi ariba e solo na unda tres a tuma lugar ariba e mesun dia sigui pa un otro grandi diahuebs dia 9 di mei 2024 generando ambos un G2 tormenta geomagnetico modera for di e Solo generando asina tambe X-flarenan y radio blackoutnan fuerte.

Diabierna dia 10 di mei 2024 a tuma lugar un erupcion hopi grandi di G4, un tormenta geomagnetico severo, y diasabra dia 11 di mei 2024 a tuma lugar e evento di mas grandi: un G5 esun extremo e categoria mas halto generando un X-flare X8.7 y un R3 radio blackout blokiando telecomunicacion via radio HF, haciendo efectonan na satelitenan di tele-



comunicacion y data como tambe satelitenan GPS di nabegacion y na sistemanan di power grid energy energianan di coriente. Starlink y otro satelitenan a ser afecta. Diadomingo dia 12 di mei a genera un evento di G4: R3 X-Flare ta baha na X1. Dialuna dia 13 di mei 2024 e evento ariba e solo a normalisa trobe pero por spera cu e actividadnan por bolbe genera un evento grandi atrobe. P’esey Aruba Astro Research Int. hunto cu Aruba Space Weather Prediction Center na ATSOC ta sigui monitorea e actividadnan ariba e solo den estrecho cooperacion cu NOAA SWPC y NASA.

Aruba Astro Research Int. a


cubri e eventonan aki for di diaranson dia 8 di mei te cu dia 13 di mei 2024 sacando potret di e solo y e sunspot AR3664, na unda mayoria di e evento a tuma lugar y pa cual dos miembro di nos organisacion, Rinus y Marcos, a saca potret. Rinus a saca potret cu su telescop un close-up di e mancha di e solo na unda mayoria evento a tuma lugar y Marcos a procesa e potret sigui pa potretnan saca pa Marcos via telefotolens, sacando e solo y e dos manchanan ariba e solo sunspot AR3664 y sunspot AR3667.

Tambe Aruba Astro Research Int. a cubri e efecto di e aurora borealis cu a yega te aki na Aruba. Potretnan saca di e efecto di aurora ta for di diasabra dia 11 di mei te cu dia 15 di mei 2024. Dia 14 di mei e efecto tabata masha bunita mes despues di 7:13 pm di anochi pa 7:30 pm di anochi aki na Aruba. Miami Keys Florida a mir’e hopi mas bunita y paisnan Europeo y tur paisnan nort y zuid di nos hemisferio

a mir’e hopi mas bon cu mas efecto di mas color.

Por sigui nos ariba Facebook

di Aruba Astro Research Int. y por contact nos na tel: 562-9407.



Aruba den Grupo C pa Concacaf Nations League

E division di grupo pa Nations League a keda conoci, y Aruba a cay den Liga B, Grupo C.

Segun Concacaf a informa riba su website, Liga B ta conta cu 16 team pa etapa di grupo. Esakinan ta dividi den cuatro grupo di cuatro team. Durante e FIFA Match Windows na september, october y november, cada team ta bay hunga contra tur team den su grupo dos biaha, pa un total di seis partido pa cada team.

E gruponan ta lo siguiente:

Grupo A: El Salvador, Montserrat, Saint Vincent and the Grenadines y Bonaire;
Grupo B: Corsou, Saint Lucia, Grenada y Saint Martin;
Grupo C: Haiti, Puerto Rico,

LEAGUE B			
Group A	Group B	Group C	Group D
SLV	CUW	HAI	DOM
MSR	LCA	PUR	BER
VIN	GRN	ARU	ATG
BON	SMN	SMA	DMA

Aruba y Sint Maarten;
Grupo D: Republica Dominicana, Bermuda, Antigua and Barbuda y Dominica.

Concacaf a splica cu pa cada FIFA Match Window, e partidonan ta bay tuma lugar na

un venue centralisa pa cada grupo, na lugar di e formato anterior di hunga sea na cas of como bishitante. E cam-

bio di formato aki lo alivia un poco di e retonan di biahe cu e Asociacionnan Miembro ta enfrenta pa motibo di e geografia unico di nos region, y lo permiti nan enfoca riba hunga e miho futbol posible.

E teamnan cu di tres miho rango den cada grupo ta bay ta anfitrión di e partidonan na september; e teamnan cu di dos miho rango lo ta anfitrión pa e partidonan na october, y e teamnan cu miho rango lo ta anfitrión pa e partidonan decisivo na november. Si un team no ta capaz di organisa partidonan, Concacaf ta reserva e derecho pa scoge un venue.

E prome partido pa Aruba ta bay ta dia 6 di september proximo contra Sint Maarten.

AVB a anuncia e squad cu ta bay representa Aruba den partido clasificatorio pa Mundial

Riba su pagina di Facebook, **Arubaanse Voetbal Bond (AVB)** a publica e lista di e hungadornan cu a keda selecta pa forma e team cu ta bay representa nos isla den partido clasificatorio pa Mundial.

E wega contra Corsou ta tuma lugar dia 8 di juni proximo na Aruba. E mesun squad lo enfrenta tambe St. Lucia dia 11 di juni na Barbados.

Pa loke ta trata e team, pa portero a scoge Matthew Lentink, Jahmani Eidsen y

Josthan Maduro. Pa defensa, Darryl Baly, Ashton Charles, Fernando Lewis, Diederick Luydens, Kymandi Nedd, Nickenson Paul, Mark Jacobs y Sandro Staal. Pa medio campo a scoge Walter Bennett, Stiven Melchor, Isai Marselia, Rovien Ostiana, Jonathan Richard, Shivay Wadhvani y pa delanteronan a selecta Terence Groothusen, Jayden Kruidenhof, Benjamin Maria, Conner val Kilsdonk, Tyron Perret Gentil, y Jeremy van Uunen.

Exito na nos seleccion!



Ajax ta confirma yegada di Farioli

(NLTimes) – Club di futbol di Amsterdam, Ajax a haya un manager nobo pa su team masculino, Fran-

cesco Farioli. E Italiano di 35 aña di edad ta yega e capital Hulandes for di OGC Nice cu un contract

di tres aña, e club a anuncia ayera. Tabatin rumor tocante e movida aki pa algun siman.

a bisa den un declaracion. El a bisa cu e kier hiba Ajax back na e lugar unda e club ta pertenece.

y por comparti su pensamentonan efectivamente cu su team,” el a bisa. “Tur cos ta indica cu Francesco ta un homber inteligente cu por interactua bon cu hende, cual tambe ta un parti hopi importante di e trabao. En total, nos ta convenci cu e ta fit bon den Ajax,” Kroes a bisa den un comunicado di prensa.

Ajax tabatin un temporada absolutamente decepcionante. E club a keda na di cinco lugar den Eredivisie y tabata hasta den ultimo lugar pa un tempo. Ademas, nan a perde 6-0 contra rival Feyenoord, y e team no a yega mas leu cu e Ronda di 16 den Conference League.



Farioli ta trece cune su asistentnan regular, Daniele Cavalletto y Felipe Sanchez Mateos. Dave Vos, kende actualmente ta trainer di Jong Ajax, tambe ta bay join e prome team.

Farioli a bisa cu e ta contento cu awo su cambio ta oficial. “Nos kier reconecta cu e DNA di e club, cu meta pa trece energia nobo cu un forma positivo di traha y pensa. Mi ta na altura cu tin hopi trabao pa haci, pero ya nos a cuminsa prepara,” el

Oficialmente e ta cuminsa dia 11 di juni, ora e coach hoben ta tuma over for di coach interino, John van ‘t Schip. Anteriormente, Farioli tabata coach principal di clubnan Turco, Fatih Karagumruk y Alanyaspor, prome cu firma un acuerdo cu OGC Nice aña pasa.

Director tecnico Alex Kroes ta contento cu Ajax awo ta sigur di un trainer nobo. “Francesco ta un coach kende ta participa apasionadamente den su profesion, ta pensa tur cos te na e detaye di mas chikito,

Angela Cullen ta bolbe careda di auto despues di 7 temporada cu Lewis Hamilton



(AP) — Tabata un amigo en comun cu a pone Marcus Armstrong den contacto cu e trainer fisico mas famoso den motorsport. Nan dos tabata na cas na New Zealand, y mientras Armstrong, 23, tabata prepara pa su prome temporada completo den IndyCar, e tabata sa cu e mester a mehora su nivel di fitness. Asina a introduci e na Angela Cullen, otro Kiwi kende a pasa mayoria di e aña off despues di a pasa siete temporada trahando cu strea di Formula 1, Lewis Hamilton.

Cullen y Hamilton a separa na maart di ultimo temporada, y pa winter ya Cullen a conoce Armstrong, lansando e siguiente fase di su carera na Merca. E yamada inicial tabata casi shockeante pa Armstrong, e piloto di Chip Ganassi Racing kende a competi apenas riba pistanan riba caya y caminda aña pasa, pero a agrega oval pa un schedule completo e temporada aki. E ta bay haci su debut den Indianapolis 500 diadomingo cu Cullen.

Cullen, kende te awo a nenga di duna entrevista desde cu a presenta na e careda All-Star di \$1 milyon di IndyCar na California na maart, awo ta biba na Indiana cu Armstrong y ta dedica na mantene e hoben su enfoke.

Desde cu el a cuminsa traha cu Armstrong, e hoben a cualifica na e miho posicion di su careda, No. 6, na Barber e luna aki; a keda na di cinco lugar, su miho di e temporada, na e pista na Indianapolis Motor Speedway, y tin rango No. 11 den clasificacion di IndyCar.

E dia despues di su final riba e pista Indy road, Cullen a publica un post largo riba Instagram cu a cita e fayecido gigante di F1, Niki Lauda. Den su propio palabra, el a describi e consistencia rekeri pa bon prestacion na e nivel di mas halto y e fundacion cu ta rekeri. El a cera cu e frase di Lauda: “Gana ta un cos, pero for di perde mi semper a siña mas pa futuro.”

Miami ta bira anfitrión di wega pa titulo World Baseball Classic pa segundo torneo consecutivo na maart 2026



(AP) — Ciudad di Miami ta bay organisa e wega pa campeonato World Baseball Classic un biaha mas na maart 2026, concluyendo un torneo cu tambe ta bay tuma lugar na Houston, Tokyo y San Juan, Puerto Rico.

Pa di dos biaha consecutivo, loanDepot park ta bay ta e sitio pa tur tres ronda – incluyendo e semi-final y final.

Na 2023, e stadion sede di Miami Marlins a bira e prome venue pa organisa wega den tur tres fase di un WBC. Mas cu 470mil fanatico den total a atende e 15 wega na Miami, un record total.

Hapon a derota Merca 302 pa e titulo, mientras Shohei Ohtani a strike out Mike Trout pa caba e wega.

E di seis WBC tambe ta bay tuma lugar na Minute Maid Park na Houston, e Tokyo Dome na Hapon, y Hiram Bithorn Stadium na San Juan, Puerto Rico. Houston ta bay organisa weganan di WBC pa prome biaha. Hiram Bithorn Stadium ta bay ta anfitrión pa prome biaha desde 2013.

Tokyo a yega di organisa poolnan den tur cinco edicion anterior di World Baseball Classic (2006, 2009, 2013, 2017 y 2023). Major League Baseball a anuncia e venues pa 2026 ayera.

Rafael Nadal ta den field pa French Open y lo enfrenta Alexander Zverev den prome ronda

(AP) — Rafael Nadal ta den field pa French Open toch, y e draw ayera a set up e 14-biaha campeón pa un partido retador den prome ronda contra NO. 4 seed, Alexander Zverev.

“Esey ta bay ta difcil, pero e ta un guerero,” director di torneo, Amelie Mauresmo a bisa. “Tur cos ta posible cu Rafa.”

Ta anticipa cu esaki ta bay ta e ultimo presentacion di Nadal na Roland Garros, y e no a bisa hopi tocante si e lo competi e biaha aki despues di dos temporada di accion off-and-on pa motibo di lesion, incluyendo un cirugia pa repara su heup cu a fors’e pa keda ausente di su torneo favorito un aña pasa.

Despues di un perdida den Italian Open e luna aki, Nad-



al a bisa cu e mester pensa bon si lo hunga pa Paris. Pero e Spaño, cu ta haci 38 aña dia 3 di juni, tabata practicando riba e klei cora na Roland Garros e siman aki, y su

number tabata oficialmente den e bracket.

E French Open ta cuminsa diadomingo.

Minister Ursell Arends:

Ta di suma importancia pa ciudadano separa desperdicio cu ta trece na Baki den Barrio

Tur luna e actividad di Baki den Bario ta wordo organisa den diferente distrito. Mas cu dies partner a bin ta colabora cu otro pa provee e comunidad un parke di separacion unda ta tuma ocho diferente tipo di desperdicio.

Baki den Bario ta un iniciativa di e campaña nacional ‘Limpi Limpi’ pa conscientisa nos poblacion ariba e importancia pa procesa desperdicio debidamente. Ora nos ta separa desperdicio, nos ta yuda e procesamento di reciclahe bira mas eficiente y ta reduci polucion den nos medio ambiente.

Desde 2 di september 2023, Ministerio di Naturalesa a bin ta pone e bakinan di sushi disponibel y na 2024 esaki a continua. Nos a cuminsa na Pos Chikito, bay Madiki, San Nicolas y Noord. Diasabra 25 di mei 2024 nos ta continua na Santa Cruz, den e parkinglot di Stadion Nadi Croes e Crismo Angela di 7'or te cu 11'or di mainta.

Bureau City Inspector kende ta encarga pa coordina ful e evento lo t'ey pa yuda informa ariba e tipo di desperdicio acepta, educa ariba e manera corecto pa hiba esakinan na e bakinan y percura cu e evento cana debidamente den su to-

talidad.

Serlimar e aña aki tambe a pone nan servicio di transporte disponibel pa tur cu mester ayudo pa recoge desperdicio separa di nan cas y trece esakinan na Baki den Bario. Tambe nan service desk lo t'ey presente pa cli- entenanan por regla nan cuenta di pago of acaso ta buscando informacion di nan servicio.

Den tur e maneho di desperdicio, un parti crucial ta pa reduci e cantidad di desperdicio cu nos como isla ta produci, y un manera pa logra esaki ta pa reusa mas hopi posibel. Pa es motibo durante cada evento



di Baki den Bario lo tin un stand di FPNC (Fundacion Pa Nos Comunidad) unda cu lo acepta articulonan den bon estado cu por haya un doño nobo. Articulonan acepta ta, entre otro, muebles, paña y co'i hunga.

Minister Arends ta recorda tur esnan cu ta desea di hazi uzo di Baki den Bario pa hazi e preparacionnan necesario. Den e manera aki por evita di yega laat na e evento y no logra deposita desperdicio. For di experiencia por bisa cu esnan cu a prepara di an-


temano a logra pasa Baki den Bario mas cu un biaha entre 7'or pa 11'or di mainta.

Palabra di gradicimento un
bes mas na tur partner cu ta
colaborando pa haci e evento
posibel y tambe tur ciudada-
no responsabel cu ta yuda
tene Aruba limpi limpi. Un
Aruba limpi ta den man di
nos tur.

Pa mas informacion tocante
e maneho di desperdicio y e
fechanan di Baki den Bario,
por bishita limpi.aw.

Resultado Sorteo

Mei 23




Cadena Alexander Lottery ta presenta resultado di weganan di suerte

DIARIO	KORSOU	SUPER4	FLAMINGO
0882	9010	8374	8429
4801	0320	SUPER5	5662
8522	9214	-	2142

MERDIA

ANOCHI




Sorteo # 4274


8380

5673

8030




X2




Sorteo # 4274

3042




X2



Sorteo # 2330


9792



Sorteo # 4274


1725

Tauro




Sorteo # 1148

672



X2




Sorteo # 8249


2334

2520

6988




X2




Sorteo # 7293

2241




FP



Sorteo # 1998


6371



Sorteo # 6052


2266

Piscis




Sorteo # 982

877



FP



Sorteo #

0 x Jackpot

0 x Match 4+

0 x Match 4


0 x Afl. 12,00

Joker

Letter

Proximo Jackpot

100.000,-



Sorteo # 6480

0 x Jackpot


7 x Match 4

179 x Afl 8,00

03-09-10-12-25

Proximo Jackpot

60.000,-



Sorteo #

0 x Jackpot

0 x match 4

0 x Afl. 500,00


0 x Afl 50.00

0 x Afl.15,00


Mega Ball

Proximo Jackpot


550.000,-



Afl. 775.000,-



Sorteo #



Ride for the Fighters:

E weekend aki KWF Aruba
colectando un bes mas riba
caya

Diasabra dia 25 di mei entre 9or di mainta y 12or di merdia un bes mas bolutarionan lo ta riba caya na diferente localidad tur rond di nos isla p'asina recauda fondo pa Koningin Wilhelmina Fonds Aruba. E fundacion tin mas cu 60 aña trahando duro pa conscientisa y informa e comunidad di Aruba riba con pa hiba un bida saludabel y tambe con pa biba cu cancer.

E biaha aki lo tin tambe un 'Ride for the Fighters' unda cu diferente grupo di bikers a uni pa e causa. Lo sali cu tur bikers for di Joe Laveist compaña pa polis y VMU pa 9.30am. Cada post lo tin bikers ta colectando te cu 11.30am. Pa 11.30am polis conhuntamente cu VMU lo pasa cada post busca e biker-nan y na final lo tin tur bikers den un ride grandi cu lo termina na e parking lot dilanti Island Finance den John G Emanstraat. Aki tur boluntario lo ricibi un sandwich y un bebida y asina clausura e mainta amenamente.

Gruponan cu a registra pa co-
labora:

1. Grupo 7
2. MCM
3. Easy Riders Aruba
4. Old Skool
5. Sero Biento Boys
6. Camacuri
7. Gonz
8. HOG
9. Spike Rebels

E postnan ta:

1. Rotonde FTA - GONZ & HOG
2. Rotonde Pos Chikito - Grupo 7
3. Rotonde Sta Cruz - MCM
4. Rotonde Bright Bakery - SB Boys
5. Imelda Kleuterschool - Camacuri
6. Renaissance - OLD Skool
7. Rotonde Sta Helena - Spike Rebels
8. Rotonde Tanki Flip - Easy Rider

Nos ta conta riba sosten di e pueblo di Aruba. Dios bendiciona bosu tur. Si ainda bo kier join e colecta di KWF Aruba por yama 597-7227 of 593-5770.



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation
Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel: 297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad **San Nicolas**
Hospital **Imsan**
7:00 pm / 10:00 pm **24 ora**

Botica na warda

Oranjestad: **San Nicolas:**
Oduber Aloe
Tel. 582 1780 Tel. 584 4606

EMERGENCIA **911**

POLIS

Oranjestad **100**
San Nicolas **104**
Santa Cruz **105**
Noord **107**
Tip Line **11141**
Brandweer **115**
Ambulance **911**
Hospital **527-4000**
Imsan **524-8833**
Warda Costa **913**
Seguridad Nacional **11911**
Cruz Cora **582-2219**

BOTICA

Aloe **584-4606**
4 Centro Medico **584-5794**
Central **585-1965**
Dakota **588-7364**
Del Pueblo **582-1253**
Eagle **587-9011**
Kibrahacha **583-4908**
Maria **585-8145**
Di Servicio Noord **586-4606**
Oduber **582-1780**
Paradera **588-6638**
San Lucas **584-5119**
San Nicolas **584-5712**
Santa Anna **586-8181**
Santa Cruz **585-8028**
Sero Preto **584-4833**
Trupial **583-8560**

UTILIDAD

Setar **117**
Web **525-4600**
Elmar **523-7147**

FUNERARIA

Aurora **588-6699**
Royal Funeral H. **586-4444**
Ad Patres **584-2299**
Olive Tree **584-8888**

Servicio di Taxi

**Aruba Transfer Tour &
Taxi C.A.**
Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba

Tel: 587-8850
Tel: 280-2828
Whatsapp: 592-7024

Companionan 'buy now, pay later' mester cumpli cu standard di credit card segun agencia pa consumidor



(AP) - Companionan cu ta traha a base di 'cumpra awo, paga despues' mester provee clientenan cu e mesun riesgonan legal y proteccionnan cu e prestamistanan di credit card ta haci, segun Consumer Financial Protection Bureau a bisa diaran son den un regla nobo.

Esaki ta inclui e derecho di existi nan placa bek y pa desafia transaccionnan. E agencia a cuminsa un investigacion tocante e industria di prestamo di corto tempo dos aña atras y a bini cu e regla den respuesta na kehonan andando di clientenan segun el a bisa.

E prestamonan di cumpra awo y paga despues tipicamente ta marca como un prestamo cu 0 interes of un interes abao y ta permiti e cliente haci pagonan pa compranan grandi y tin biaha chikito. Nan ta marca como un manera pa cumpra produccionnan caro of servicionan durante tempo y e servicio ta tipicamente ofreci ora di caba e compra. Hopi biaha tambe ta usa pa produccionnan grandi manera mueble, paña of pasashi.

Den un rapport, CFPB a haya cu mas di 13 por ciento di e transaccionnan di e tipo aki ta trata algo cu a debilbe of un disputa, y den aña 2021, personanan a debilbe of desafia 1.8 biyon dollar den transaccionnan na e 5 companianan cu a participa den e encuesta.

"Sin importa si e consumidor a swipe of usa Buy Now, Pay Later, nan tin e derecho di tin proteccionnan impor-

tante pa cliente bao leyman y regulacionnan cu tin hopi tempo stipula caba," director di CFPB Rohit Chopra a bisa den un declaracion.

Dos hungado grandi den e industria aki, Affirm y Klarna, a duna bon bini na e regulacion. "Nos ta sinti encurasha cu CFPB ta promoviendo standardnan consistente den e industria, y varios cual ya caba ta refleha con Affirm

ta opera y ta provee mas escogencia y transparencia pa e consumidornan," un vocero di e compania a bisa den un declaracion. Affirm actualmente ta ofrece asistencia pa 'dispute and error resolution'," e vocero a agrega.

Vocero di Klarna a bisa cu e compania ya caba ta investiga discusionnan cu e clientenan y ta cubri cualkier devolucion di placa relaciona.

Pronostico di tempo

Tempo:

Awe tardi y awe nochi: parcialmente nubla y generalmente seco.

Den marduga y mañan: parcialmente nubla cu un awa sero

Temperatura maximo 33 grado celsius
Temperatura minimo 27 grado celsius

Indice di calor (heat index) den y rond di oranan di merdia: 34 pa 39 grado celsius
UV index: 12

Bahada di solo : 7:00 pm
Subida di solo : 6:13 am

Biento:

Modera for di direccion oost-noordoost te oost-zuidoost; Forsa 3 te 4 (12 te 30 km/ora, 7 te 16 nudo). Durante di dia fuerte den rafaga; Forsa 5 (31 te 39 km/ora, 17 te 21 nudo)

Situacion general di tempo pa proximo 24 ora:
E disturbio den nivelnan mediano y mas halto di at-



mosfera ta move bay mas noord, for di region local. Sin embargo, toch humedad y instabilidad ta keda persisti y lo por induci un awa sero local durante proximo 24 ora. Tambe tin un chens chikito pa lamper cu strena den oranan di marduga.

Condicionnan maritimo/estado di lama:

Na partinan protegi di costa: keto, rond di 1 pia.
Na partinan zuid: trankil, entre 2 pa 3 pia.
Na partinan oost te noord-west di costa: Generalmente modera cu olanan alrededor di 4 pa 5 pia.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Dios ta vigila nos bida di un distancia ora cu e kier pa nos bin drumi den su dushi brazanan e ta yama nos bin cerca dje"

Cu inmenso tristeza y dolor na nos curason pero agradecido pa tur locual e la nifica pa nos y conforme cu boluntad di Dios nos ta anuncia cu a bai den "Reino di Señor nos estimada casa - mama - wela - ruman - tanta -



Sra. Juana "Chicka" Wijshijer-Boekhout
*21-08-1949 †15-05-2024

Na number di su:

Casa: George Johan Wijshijer

Yiu: Shanandoe Wijshijer y Ivo Jacobs

Nieto: Kian George Jacobs

Ruman nan:

† Cornelis y Sylvia Boekhout
Aida y † Chenco Harms y familia
† Hose y † Coleta Boekhout y familia
† Rosa Hams y familia
Ronny Boekhout y familia
Lidia Boekhout
Mario Boekhout
Violeta Willems y familia
Modesto Werleman

Subrino nan: †Johan Boekhout, †Theodoor, †Jolanda Boekhout y familia, Vivian Boekhout y familia, † Stanley Boekhout y yiu, Miquel, Jane Dirks y familia, † Glenda Jansen y yiu, †Mirtha, Ludy y Juan Maduro y familia. Michael y Fai Harms y familia, Marlene Harms, Eveline Harms y yiu, Maureen Harms y Eugene Maduro y familia. Tony y Perina Boekhout y familia, Jacky Leon y familia, Raquelita Boekhout y familia, Mario Boekhout, Sandra Boekhout y yiu. † Rafy Harms y familia, Jacky Harms y familia, Suzy y Jorge Croes y familia, Sharine y Clive Winterdaal y familia, Jayant Willems.

Prima nan:

Jacky Mercera y yiu
Agata Lampe y familia
Francisca Werleman y familia.
Maxima y Mario Croes y familia
Josefa y Chai Chirino y familia.

Cuñan nan:

Anthony Wijshijer y familia
Jacqueline Michels y familia
Silvia Wijshijer y familia

Amiga nan: Jane Wijshijer, Astrid Croes, Annie.

Y demas famianan: Boekhout, Wijshijer, Werleman, Harms, Henriques, Maduro, Willems, Winterdaal, Danje, Tromp, Everon, Leon, Jansen, Croes, Jacobs, Mercera, Michels, Lampe, Chirino, Pabon y demas familia y conocirnan

Nos ta disculpa si den nos tristeza nos a lubida algun number nan di familia.

Ta invita pa e acto di entierro cual lo tuma lugar diabierna 24 di mei 2024 di 2or pa 4or di atardi na Misa Inmaculada Concepcion na Santa Cruz y despues lo sali bai pa Santana Catolico na Santa Cruz (pastor de Vries).

Despues di entierro no por ricibi bishita di condolencia na cas

Aurora


Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Habri portanan santu pa mi, mi ke drenta y alabá Señor. Ata e porta di Señor akí, tur e fielnan ta pasa den dje. Mi t'alabá bo pasobra B'a skucha mi, pasobra B'a manda mi salbashon.
Salmo 118: 19-20-21

Cu dolor na nos curason, nos ta participa fayecimento di nos ser stima:



Sr. vdo. Aloisio Koolman
Cariñosamente yama "Wichi, Mo-dje"
*17-03-1933 - †17-05-2024

Na number di su:

Casa:

†Marina Koolman-Laclé

Yiunan:

Marina "Rina" Koolman
Vda. Rebecca El Jabakhanji-Koolman
Lilian Koolman

Nietonan:

Marian Maria-Koolman, casa y yiunan
Jose Erasmus, Michenine Gomez y yiunan
Jamil El Jabakhanji, familia y yiunan
Magda "Majida" El Jabakhanji
Amir El Jabakhanji, Nathalie Thodé y yiunan
Patrick Hill
Aldrick Hill
Felipe Hill, familia y yiu

Bisnieto(a)nan.

Rumannan:

†Rosa Maria Croes-Koolman y familia
†Felicia Hernandez-Koolman y familia
Marianita Croes-Koolman y familia
†Yulia Maria Geerman-Koolman y familia
Francisco Koolman y familia
†Augustin Maduro y familia

Sobrino(a)nan y Primo(a)nan

Cuñanan & sua:

†Eulogio y †Inocencio Croes y familia
Jaconto y Estebanita Laclé-Boekhoudt y familia
†Reinita Laclé y yiu y familia
Everaldo y Griselda Laclé-Henriques y familia
Ex-coleganan di D.O.W.

Demas familia: Koolman, Krozendijk, Krosendijk, Laclé, Erasmus, Maria, El Jabakhanji, Thodé, Croes, Hernandes, Geerman, Maduro, Hill, Lee, Dania, Lourens, Gomez

Ta invita pa acto di entierro cual lo tuma lugar na Aurora Funeral Home diabierna 24 di mei 2024 di 9or pa 11or di mainta. Despues lo sali pa Santana Catolico na Sta Cruz.

Nos disculpa si den nos tristesa nos por a lubida cualkier familia of conocir.

Aurora

Royal Pray

Funeral Home & Crematory

Laga tur loke ta sperami ta bunita,
Laga tur locual cu mi encontra na caminda ta bunita,
Laga tur locual mi laga atras keda bunita,
Y laga tur esaki nan termina den tur buniteza.
Cado Wever



Despues di un lucha largo y balente nos ta participa cu a bay sosega den reino di Señor nos Esposo, Tata, Ruman, Omo, Sobrino, Primo, Sua:

Alejandro Eladio Comenencia
Mihor conoci como "Niño"
* 18-02-1955 - † 22-05-2024

Tata: † Alejandro "Indio" Comenencia

Mama: † Adela Comenencia-Gomez

Esposa stima: Glenda Comenencia-Albertsz

Yiunan stima:

Aldrin y Maaiké Comenencia-Los, Rujina Comenencia

Yiunan di criansa: Tamara Martinus "Jaja" y Alvin Levenston y yuinan, Sheritza Martinus "Itja" y yiu, Jilleany Nedd "Neny" y yiu

Nietonan stima: Alana Comenencia, Hailey Comenencia, Rogan Comenencia

Mescos nieto: C-James Dozier

Rumannan: †Gabriel "Peppy" y Alexandrina Comenencia-Blanco Fanny y Legenhousen "Larry" Nyack-Comenencia, Judith y Frank Richardson-Comenencia, Beatriz "Beata" y Luis "Gino" de Cuba-Comenencia, Edwin "Papito" y Elvia Comenencia-Rodriguez, Maria "Mary" y Tirso Tromp-Comenencia, †Ivy Marcia y Ryan Tang Yuk-Comenencia

Mama di su yiunan: Ruthlin Neuman

Omonan: Joaquin (Quincho) Comenencia y familia, Carlos (Calulo) Comenencia y familia,

Tanta: Teresa Kock-Comenencia y familia

Sobrino y sobrinanan: Sheldon y Marlin Nyack-Figaroa y familia, Ghislaine y Harold Grant-Comenencia y familia, Arthur y Gennilee Comenencia-Ras y familia, Franklin y Elsa Richardson-Rincones y familia, Julianne y Jobert Reyes-Comenencia y familia, Javier (Derrick) Comenencia, Lugina y Ervany Machado-de Cuba y familia, Ryan (Ching) Tang Yuk y Paula Trachet y familia, Gabriela Tromp y Andrew Croes

Cuñan y Swanan: Lucisita Albertsz y yiunan, Jozef y Jeanine, Albertsz-Dania y yiunan, Sila y Clay Shipley-Albertsz y yiunan, †Astrid Albertsz y yiunan, Kenneth Albertsz y yiunan, Lorenzo y Glenda Curie-Trimon y yiunan, Rodney Albertsz y yiunan, Eugene y Risjiena Albertsz-Martijn y yiunan na Hulanda, Zulaika Albertsz y yiunan na Hulanda

Ihanan, primo- y primanan, amigonan y demas familia na: Aruba, Curacao, Colombia y Hulanda

Na Curacao: Marlene Comenencia, Rumannan y familia, Randy de Lannoy y familia, Fania Jacobus, Fania Curiel

Na Colombia: Comenencia, Gomez, Elias, Bruges, Scott, Alzamara, Granados, Freyle Villar
Colectantnan: Parokia Inmaculada Concepcion
Miembronan di Koor: De Trupialen, Maria Reina di Paz, Fatima Dakota, Catedral San Francisco, Rejoice, Tromp's Family

Teamnan: Wandelvoetbal Inro 60+, Softball Boomerang 60+

Ex-coleganan: Unicon, ALM, Air Aruba, Aruba Airport Authority

Demas famianan: Comenencia, Gomez, Albertsz, Nyack, Richardson, De Cuba, Tromp, Blanco, Rodriquez, Kock, Tang Yuk, Violinus, Reyes, Grant, Ras, Rincones, Los, Machado, Croes, De Koning, Bruges, Bitorina, Beke, Ramharakh, King, Jeroc, De La Cruz, Castillo, Castillego, Quandus, Nuboer, Sneek, Steenen, Rafael, Lake, Becker, Schwengle, Quandt, Werleman, Nedd, Currie, Gir, Dozier, Martinus, Shipley, Flancin, Cardona, Angela, Herts, Dania, Martis, Didier, Figaroa, Trachet, Neuman, Irwin, Geerman, Franken, Paesch, Jerome.
Acto di condolencia lo tuma lugar diabierna, 24 di mei 2024 di 7'or pa 9'or di anochi na Aurora Funeral Home.
Ta invita familia, bisiaña, amiga y amigonan, conocirnan, ex-coleganan pa asisti na e acto di entierro cu lo ta tuma lugar diasabra, 25 di mei 2024 for di 1'or pa 4'or di atardi. Nos difunto stima Alejandro lo ta reposa den Parokia Birgen di Fatima Dakota. Despues lo sali pa Santana Central na Sabana Basora. Na lugar di flor of krans un donacion Fundacion Hospice Atardi "Ho Sing Loy" lo ta altamente aprecia. Lo tin un box disponibel pa e bunita gesto aki.

Nos disculpa si den nos tristeza nos por a lubida di menciona un of otro familia.

Despues di entierro nos no ta ricibi bishita di condolencia na cas, nos ta pidi comprension pa esey.

Aurora


Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.
Salmo: 23

Cu inmenso dolor na nos curazon y agradecido pa
e amor, educacion y perseverancia cu semper ela
demostra y brinda, pero conforme cu boluntad di
Dios nos ta anuncia cu a bay laga nos den brasa di
Señor



Simon Rudolfo (Rudy) Oduber
*16-10-1936 †21-05-2024

Casa:
Clara Mercedes Oduber-Osorio

Yiunan:
† Simon R. (Rudito) Oduber
Luis y Monique Oduber-Buckley
Otmarr Oduber y Kimberly Cruz-Machado

Nieto(a)nan:
Jeandrick Oduber, Dana Arendsz, Tariq Oduber,
Terrence Oduber, Sean Oduber, y Declan Oduber.

Rumanan:
† Luis Oduber y famia
† Serita Arends-Oduber y famia
† Dolfi Oduber y famia
Simon “Juni” Oduber y famia

Primo(a)nan, subrino(a)nan, amigo, conocirnan, y
bisiñanan

Demas famia Oduber, Osorio, Buckley, Harms,
Arends, Croes, Marugg, Paris, Dubero, Geraci,
Koolman, Thiel, Chung, Castro.

Ta invita pa acto di despedida cu lo tuma lugar
diasabra dia 25 di mei 2024, na Aurora Funeral Home
di 1:00 pa 3:30 di merdia, sigi pa acto di entierro.

Despues di entierro no ta ricibi bishiti di condolencia
na cas.

Nos disculpa si den nos tristesa nos por a lubida
cualquier persona.



WWW.BONDIA.COM

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Escucha, oh
Jehová, mis palabras;
Considera mi gemir.
Está atento a la voz de
mi clamor,
Rey mio y Dios mío,
Porque a ti oraré”
Salmo 5: 1-2



Nos ta participa
fayecimento di:

Francisco V. Franken
Cariñosamente yama “Paco”
*25-12-1960 - †22-05-2024

Acto di entierro lo wordo anuncia despues

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Dios ta amor.... y amor ta Dios,
Maske mi no ta na e mundo aki, tuur dia lo
mi ta banda
Di boso Curazon, mi no por stens di loke
Señor ta hasi.”
Salmo 33

Cu inmenso dolor y tristeza nos ta anuncia
fayecimento cristianamente di



Vigiomone Estrame
Mihor conoci como: “Memene”

Acto di entierro lo wordo anuncia despues.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Dios ta amor... y amor ta Dios,
maske mi no ta na e mundo aki, tur dia lo mi
ta banda di boso Curazon, mi por stens di loke
Señor ta hasi"
Salmo 33

Cu dolor na nos curason, nos ta participa
fayecimento di nos ser stima:



Steven R. Martir
Cariñosamente yama “Bachek”
*03-10-1965 - †22-05-2024

Acto di entierro lo wordo anuncia despues

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.
Salmo: 23

Nos ta anuncia fayecimento di:



Greta Ludwina Tromp
“Wina”
*05-12-1955 – †23-05-2024

Acto di entierro lo wordo anuncia despues.

Solicitud pa orden di detencion pa lidernan di Israel y Hamas ta causa debate tocante rol di ICC

(AP)—E anuncio sorprendente cu e Corte Criminal Internacional (ICC) ta considerando suministra un orden di detencion pa prome minister Israeli Benjamin Nethanyahu pa crimennan di guerra y crimennan contra humanidad a causa un debate tenso tocante e futuro di e corte como un arbitro independiente.

E peticion pa fiscal Karim Khan contra e lider di un aliado cercano di Merca mientras e corte mas halto di e Organizacion di Nacionnan Uni (ONU), e ICC, ta investigando si Israel a comete genocidio durante su guerra di shete luna contra Hamas na Gaza.

Aunke activistanan di derecho humano en general a acepta e movida di Khan dialuna, cual tambe a inclui e peticion pa detene e minister di Defensa Israeli y tres lider di Hamas, Netanyahu a conta ABC News cu e decision di Khan a transforma e ICC den un “institucion paria.”

Na Washington, unda republicanonan di Senado a menasa sancion contra e personal di ICC, secretario di estado Antony Blinken a bisa cu e corte basa na Den Haag no tin hurisdiccion y cu e tabata “extremamente incorrecto” pa e fiscal compara e oficialnan Israeli cu e lidernan di Hamas cu e ta buscando pa condena.

Blinken a bisa diamars cu e



administracion di Biden lo traha cu Congreso pa trece un respuesta adecuada.

Khan a acepta cu intentonan pa interveni cu e trabao di ICC lo ta un ofensa bao di su trato di origen, e Statuut Roma. Sinembargo, e advertencia kisas no ta carga mucho peso, como cu poder nan mundial incluyendo Merca, Israel, China y Rusia, no ta miembro di e corte y no ta reconoce su hurisdiccion.

Paisnan den Europa en general ta apoya e corte, cu Francia y Belgica subrayando nan apoyo despues di e anuncio di dialuna. “Francia ta apoya e Corte Criminal Internacional, su independencia, y e lucha contra impunidad den tur situacion,” segun e min-

isterio di Asunto den Exterior Frances den un declaracion dialuna, rond di mesun momento cu e minister di Asunto den Exterior Belga a expresa apoyo pa e tribunal.

Algun Palestino tabata critico di loke ta parece un falta di alcance den e peticion di Khan. Den un piesa di opinion riba e website di Global Issues, analista Mouin Rabhani a skirbi cu Khan a ignora cualkier y tur “problema no conecta cu e situacion actual na Gaza.” Nour Odeh, un analista politico Palestino na Ramallah, a bisa cu e no tabata sorprendi cu Khan tambe a busca carganan contra lidernan di Hamas, pero a nota den un texto cu e “tabatin mas carga contra lidernan di Hamas compara cu Israel

cual ta un decision politisa cu mi ta haya hopi cinico di su parti.”

E oficina di fiscal di ICC ta investigando supuesto crimennan den e teritorio Palestino cu ta data na 2014 y por busca pa ordennan di detencion den futuro. Asina mes, e anuncio di Khan dialuna a marca e prome biaha den mas cu dos decada di e existencia di e corte cu e fiscal di e corte global a busca pa condena e lider di un aliado importante di Merca.

Lidernan di Israeli a nenga cu nan a comete crimennan, bisando cu nan ta defendiendo nan nacion y cumpliendo cu ley internacional. Pasobra Israel no ta reconoce e hurisdiccion di ICC, hasta si huesnan lo suministra e ordennan di detencion, no tin ningun prospecto cu Netanyahu y minister di Defensa Yoav Gallant lo ser deteni.

Ta anticipa cu e decision pa suministra ordennan di detencion lo tuma varios siman. E chens legal pa aproba ordennan di detencion ta relativamente abao. Huesnan mester haya “fondonan razonable pa kere” cu e crimennan subraya den e peticion di Khan ta pasando. Den pasado, huesnan en general a aproba peticionnan asina.

“Esaki ta un momento decisivo den e historia di husticia internacional,” segun abogado di derecho humano Reed Brody, ken a persigui lidernan incluyendo Augusto Pinochet di Chile y ex-presi-

dente di Chad Hissène Habré, a skirbi den un e-mail. “E ICC nunca, den mas cu 21 aña di existencia, a condena un oficial di e West. Ningun tribunal internacional desde Nuremberg a haci esaki.”

Y esaki por tin un efecto. “E corte ta un institucion cu ta ser apoya mayormente pa gobiernonan den Occidente. Pero esey kisas no ta keda berdad den futuro,” Tom Ginsburg, un profesor di ley internacional na e University of Chicago Law School, a conta AP den un email. “Por medio di condena e hefe di un gobierno cu apoyo di e West hunto cu un lider terrorista, e corte ta haciendo un apelacion pa imparcialidad.”

Tambe inusual—y indicativo di e sensibilidad profundo di e peticion pa administra carga na lidernan Israeli y di Hamas—tabata e decision di Khan pa consulta un panel di expertonan legal, incluyendo abogado Amal Clooney, prome cu pidi pa e ordennan di detencion.

Khan ta buscando ordennan di detencion pa lidernan di Hamas Yahya Sinwar, Mohammed Deif y Ismail Haniyeh riba carganan cu ta inclui crimennan contra humanidad y exterminacion, asesinato y violencia sexual. Entre e carganan Khan kier contra Netanyahu y Gallant, esaki ta inclui crimen di guerra como “usando hambruna como arma di guerra.” Esey ta algo nobo pa e corte internacional tambe.

“Esaki ta un momento decisivo den e adresamento di e crimennan aki, cual ta considera como un efecto incidental of colateral di conflicto arma, en bes di un strategia calcula y intencional,” segun Catriona Murdoch di e grupo Global Rights Compliance.

Pa Palestinonan cu a busca accion for di e ICC, e anuncio di Khan ta un logro, aunque nan por pensa cu e no a bay suficiente leu. “Pa tende Karim Khan papia tocante e crimennan aki, e acusacionnan aki, crimennan di guerra y crimennan contra humanidad, pa sa cu e taboo aki ta ser kibra, riba un nivel emocional...e ta historico. E ta monumental,” segun Odeh.



PUNTRAM PE SEN!



Pa cumpra auto!



Ricibi AWG 6000,- AWO y
Paga AWG 578,- pa luna!

Prijs basa riba termino di 12 luna.

Located in:

AMC Megastore
L.G. Smith
Boulevard 144
Call: +297 521-1160

AMC Dakota
Avenida Milio
Croes 41
Call: +297 521-1150

AMC San Nicolaas
Bernard van de veen
Zeppenfeldstraat
Call: +297 521-1150

www.facilito.cash

FACILITO
CASH 
Instant Cash